

四庫全書

經部

欽定四庫全書

經部

表記集傳卷二

詳校官監察御史臣沈孫璉

給事中臣溫常綬覆勘

總校官知縣臣楊懋珩

校對官中書臣王慶長

謄錄監生臣李友驥

欽定四庫全書

表記集傳卷二

寡怨章第十九

子曰虞夏之道寡怨於民殷周之道不勝其敝子曰虞夏之質殷周之文至矣虞夏之文不勝其質殷周之質不勝其文

王通曰唐虞之道直以揖讓終焉必也有聖人承之其道甚闊不可格于後夏商之道直以

明 黃道周 撰

簡故以放弑終焉必也有聖人扶之其道亦曠不  
可制于下必也周公乎曲而當和而恕是則周公  
之制尚於虞夏也而夫子以為不勝其微何也曰  
易尚質者也書尚文者也詩尚文者也春秋尚質  
者也周公以易之質扶書之文仲尼以詩之文扶  
春秋之質然而詩書皆質易春秋皆文至於周禮  
而詳矣詳而後敵生焉故春秋之敵不如乘檣杙  
之敵乘檣杙之敵不如列國寶書之敵也胡安國  
曰夫子兼帝王之道參文質之中作春秋以法萬  
世如公薨不地滅國書取出奔稱孫之類所以致  
其文也莊公名同而書同盟僖公名申而書戊申  
襄公名午而書陳侯午定公名宋而書宋人之類  
所以致其質也繇是而推左氏之攷春秋則猶從  
質者也晉以僖侯而廢司徒宋以武公而廢司空  
魯以獻武而廢具教是列國之文也桓公之名不  
廢軌物文公之名不廢廢興哀公之名不廢凡將



成公之名不廢鄭公子是左氏之質也故文質者  
天之所命非人之所命也含天而從人以人而命  
天則怨爭交起而文質皆敵矣然則春秋之文孰  
勝者乎曰魯也晉也鄭也鄭小而國最天其人巧  
而不慚賴其文以存於晉楚之間後春秋而滅者  
百有二年晉大而國最文其人勝而不靜文散於  
下質滅於上故終春  
秋之世而三晉遂分

晉室之文也其始於公子之賦河水乎天公之初  
在秦秦伯享之使子犯從子犯曰吾不如衰之文  
也請使衰從於是衰從公子賦河水公賦六月隨  
衰曰重耳拜賜公子降拜稽首公降一級而辭焉  
衰曰君稱所以佐天子者命重耳重耳敢不拜故  
晉室之興文則自此始也春秋之盛其文者有晉  
趙文子其質者  
有衛甯武子

文公四年衛侯使甯俞來聘

衛甯武子來聘公與之宴為賦湛露及彤弓不解  
又不答賦使行人私焉對曰臣以為肄業及之也  
昔諸侯朝正於王王宴樂之於是乎賦湛露則天  
子當陽諸侯用命也諸侯敬王所愜而獻其功王  
於是乎賜之彤弓一彤矢百旅弓矢千以覽覲宴  
今陪臣來繼舊好君辱貺之其敢干大禮以自取  
戾美哉甯武子之賢也其後襄公四年叔孫豹如  
晉報知武子之聘晉侯享之金奏肆夏之三不拜  
工歌文王之三又不拜歌鹿鳴之三三拜是出於  
甯武子也武子質而穆文然晉人改歌而魯不  
改歌則甚矣  
魯之質也

襄公二十六年以孫林父之訴晉人將討衛侯齊  
侯鄭伯為衛請如晉晉侯魚享之國景子相齊侯

賦蓼蕭子展相鄭伯賦緇衣叔向命晉侯拜二君  
曰寡君敢拜齊君之安我先君之宗祧也敢拜鄭  
君之不貳也國子使晏平仲私於叔向曰晉君宣  
其明德於諸侯恤其患而補其闕正其違而治其  
煩所以為盟主也今為臣執君若之何叔向告趙  
文子文子以告晉侯晉侯言衛罪使告二君國子  
賦幣之采矣子展賦將仲子兮晉侯乃許歸衛侯  
叔向曰鄭七穆罕氏其後亡者也子展儉而壹故  
國弱子展可謂贖而文矣質而不  
野文不瀆辭踪其道也可以寡怨

襄公二十七年鄭伯享趙孟于垂隴子展伯有子  
西子產子太叔二子石從趙孟曰七子從君以寵  
武也請皆賦以卒君貺武亦以觀七子之志子展  
賦草蟲趙孟曰善哉民之主也抑武也不足以當  
之伯有賦鶉之賁賁趙孟曰牀第之言不踰闕况  
在野乎非使人之所得聞也子西賦黍苗之四章

趙孟曰寡君在武何能焉子產賦隔桑趙孟曰我  
請受其卒章子太叔賦野有蔓草趙孟曰吾子之  
惠也印旼賦蟋蟀趙孟曰善哉保家之主也吾有  
望矣公孫旼賦桑扈趙孟曰彼交匪敖福將焉往  
若保是言也欲辭福祿得乎卒享又子告叔向曰  
伯有將為戮矣詩以言志志誣其上而公怨之以  
為賓榮其能久乎幸而後亡叔向曰然已侈所謂  
不及五稔者夫子之謂矣文子曰其餘皆數世之  
主也子展其後亡者也在上不忌降印氏其次也  
樂而不荒樂以安民不淫以使之後亡不亦可乎  
當趙孟之適楚也子木與之言不能對也叔向能  
文於趙孟之與子木言子木亦不能對也叔向能  
文於趙孟乎叔向之故也

昭公元年夏四月趙孟叔孫豹曹大夫入于鄭鄭  
伯兼享之于皮成趙孟禮終趙孟賦匏葉子皮遂

戎穆叔且告之穆叔曰趙孟欲一獻子其從之子  
皮曰敗乎穆叔曰夫人之所欲也又何不敢及享  
具五獻之遵豆於幕下趙孟辭於子產曰武請  
於冢宰矣乃用一獻趙孟為客禮終乃宴穆叔賦  
鵲巢趙孟曰武不堪也人賦采芣曰小國為繁大  
國省穡而用之其何實非命子皮賦野有死麕之  
卒章趙孟賦棠棣且曰吾兄弟比以安危也可使  
無吠穆叔子皮及曹大夫與拜舉兕爵曰小國賴  
子知免於戾矣飲酒樂趙孟出曰吾不復此矣華  
盛而本衰趙孟以自醺也故晉之諸卿未有如趙  
孟之文者也而猶屈於子木蓋  
亦趙衰之讓也讓者文之質也

昭公  
二年春晉侯使韓起來聘

韓宣子來聘且告為政禮也觀書於太史氏見易  
象與魯春秋曰周禮盡在魯矣吾乃今知周公之

德與周之所以王也公享之季武子賦縣之卒章韓  
子賦角弓季武子拜曰敢拜子之彌縫敝邑寡君  
有望矣武子賦節之卒章既享宴于季氏有嘉樹  
焉宣子譽之武子曰宿敗不封殖此樹以無忘角  
弓遂賦甘棠宣子曰起不堪也無以及台公宣子  
遂如齊納幣見子旗子彊皆以為不臣自齊聘於  
衛衛侯享之北宮文子賦淇澳宣子答以木瓜故  
如韓宣子亦可謂文矣文而有質譬之鑑也故足  
以知人季武子賦縣  
之卒章奚取之乎

韓宣子聘於鄭將行鄭六卿餞宣子於郊宣子曰  
二三君子請皆賦起亦以知鄭志子蠡賦野有蔓  
草宣子曰孺子善哉吾有望矣子產賦鄭之羔裘  
宣子曰起不堪也子太叔賦褰裳宣子曰起在此  
敢勤子至於他人乎子太叔拜宣子曰子之言是  
不有是事其能終乎子游賦風雨子旗賦有女同

車子柳賦蔣今宣子喜曰鄭其庶乎二三君子以  
君命貶起賦不出鄭志皆貶燕好也二三君子數  
世之主也可以無懼矣宣子皆獻馬焉而賦我將  
子產拜使五卿皆拜曰吾子靖亂敢不拜德夫宣  
子之敏不如趙孟之敬也宣子之易干不如趙孟  
之情也惜乎魯二三子未有如鄭大夫之文者也  
穆姜之賦綠衣以替伯姬敬姜之賦綠衣以替公  
父文伯故文猶火也君子之所慎也天道本大而  
地道本質禮樂之務猶之綠絲君夫人之所不治  
也然則丙吉魏相足以與於此乎曰虞夏殷周邈  
不可知兩漢之盛人才文質蓋有過於韓起趙武  
者矣兒寬于定國卓茂魯恭田叔孟舒宋弘第五  
倫亦皆足與於此也然其禮樂達矣已天而不人  
己尊而不親賞爵刑罰不窮而敵夫以虞夏殷周  
為皆不如秦也是將殷周漢而虞夏秦者乎王通  
曰人不里居地不井投雖僻尚不能理也又曰無

定主而責以忠無定民而責以化雖欲從之末繇也矣

然則後之君子亦有與於文質之事者乎曰郊祀樂律宗法三者漢宋所聚訟也神所不定質於人所不定質於天觀天地之形象以定郊祀考權量之輕重以定樂律本于父之性情以定宗法文者以文質者以質忠者以忠一王所制聖不更憲何蹟之循乎然則韓琦歐陽修足與於此者乎曰是亦足與於此者也然則修之負謗何也曰修猶近於質也其嘗易繫詆王通的濮議皆質也古之為禮者始於易簡陶匏藁秸以祀天地雖太古之帝有行之今之為禮者集數代之聖賢分議合說而不得其故古之為樂者始於功歌詠歡舞蹈雖太蒙之氏有行之今之為樂者集百代之金石議高議下而不得其故故道自質而趨忠自忠而趨文物自神而趨人自人而趨鬼不考其性情源其本



始以賞爵刑罰教誨辯論可以為治者亦韓琦歐陽修之所不為也邵雍曰昊天四府者時也聖人之四府者經也昊天以時授人聖人以經法天觀春則知易之所存乎觀夏則知書之所存乎觀秋則知詩之所存乎觀冬則知春秋之所存乎天以時為質聖人以經為文詩以文春秋以質書以文易以質春秋之用三正易書詩之所從始也

## 虞帝德章第二十

子言之曰後世雖有作者虞帝弗可及也已矣君天下生無私死不厚其子子民如父母有憺怛之愛有忠利之教親而尊安而敬威而愛富而有禮惠而能散其君

子尊仁畏義恥費輕實忠而不犯義而順文而靜寬而  
有辨甫刑曰德威惟威德明惟明非虞帝其孰能如此  
乎

春秋其有間然於湯武乎湯武革命順乎天應乎  
人其惜怛忠利尊親敬愛安威禮惠亦猶之虞夏  
也而當時之君子則有或信或否者矣故君子者  
帝王之考道也卑陶之教以三德有家六德有邦  
上下相師九德咸事至於殷周而衰矣尊仁畏義  
耻貴經實忠而不犯義而順文而靜寬而有辨管  
仲隰朋趙衰孤偃則或末之能也尸虺盤說太召  
畢散其或能之乎故觀其小人以知其君子觀其  
君子以知其主德觀伊周而知湯武觀管趙而知  
桓文觀荀范而知景悼或曰三王之臣不及其君

五霸之君不及其臣五帝之治君臣同德  
夫亦其天也君健而臣順未之有亂也

夫深於皇帝王霸之治者其唯邵雍乎其言曰三  
皇同意而異化五帝同言而異教三王同象而異  
勸五霸同數而異率同意而異化者必以道以道  
化民者民亦以道歸之故尚自然自然者無為無  
有之謂也無為者非不為也不固為者也故能廣  
無有者非不有也不固有者也故能大廣大悉備  
而不固為固有者其唯三皇乎聖人有言曰我無  
為而民自化我無事而民自富我好靜而民自正  
我無欲而民自朴具斯之謂與三皇同仁而異化  
五帝同禮而異教三王同義而異勸五霸同智而  
異率同禮而異教者必以德以德化民者民亦以  
德歸之故尚讓夫讓者先人後己之謂也以天下  
授人而不為輕若素無之也受人之天下而不為  
重若素有之也若素無素有者謂不已無已有之

欽定四庫全書

卷二

也若已無己有則舉一毛以取與於人猶有貪鄙之心焉而況天下乎能知天下為天下之天下非己之天下者其唯五帝乎聖人有言曰垂衣裳而天下治其斯之謂與三皇同性而異化五帝同情而異教三王同形而異勸五霸同體而異率同形而異勸者必以功以功勸民者民亦以功歸之故尚政政也者正也以正其不正之謂也天下之正莫如利民焉天下之不正莫如害民焉能利民者正則謂之王矣能害民者不正則謂之賊矣以利除害安有去王耶以王去賊安有弑君耶故知王者正也能以功正天下之不正者天下亦以功歸焉聖人有言曰天地革而四時成湯武革命順乎天而應乎人其斯之謂與三皇同聖而異化五帝同賢而異教三王同才而異勸五霸同術而異率同術而異率者必以力以力率民者民亦以力歸之故尚爭夫爭也者爭夫利者也小爭交以言大

來記集偶

謂之春秋矣此四者天地始而始焉天地終而終焉若然則皇帝王霸者聖人之時也易詩書春秋者聖人之經也時有消長否泰盡之矣經有因革損益盡之矣否泰盡而體用分損益盡而心跡判體與用分心與迹判聖人之事業於是乎備矣皇曰正命因而因者也帝曰受命因而革者也王曰改命革而因者也霸曰攝命革而革者也革而革者一世之事業也革而因者十世之事業也因而革者百世之事業也因而因者千世之事業也可以因則因可以革則革者萬世之事業也人皆知仲尼之為仲尼不知仲尼之所以為仲尼必欲知仲尼之所以為仲尼捨天地將奚之焉堯夫之論錯綜精微自三代而下未之有也夫有為堯夫之學者則可以與於虞帝之德者矣詩曰有覺德行四國順之堯夫覺者也

然則春秋君臣無有一事進於虞夏者與曰安在其無之也宋宣公讓國於弟穆公穆公還國於與夷逮於襄公子魚兄弟交讓也齊桓公之封衛秦穆公之悔過晉悼公之知人楚子之不築京觀此五者進而純之皆造於帝臣故曰純焉而王雖焉而霸其繇之在帝世懷霸者之心旅審之在篡國進王者之務天下安在其無賢人也

公隱

三年冬十有二月癸未葬宋穆公

公羊子曰當時而日危不得葬也此當時何危爾宣公謂繆公曰以吾愛與夷則不若愛女以為宗廟社稷主則與夷不若女盍終為君矣宣公死繆公立繆公遂其二子莊公馮與左師勃曰爾為吾子生母相見死母相哭與夷復曰先君所為納國乎君者以君可以為社稷宗廟主也今逐君之二

子將致國乎臣此非先君之意也且使子而可逐則先君其逐臣矣繆公曰先君之不爾逐可知矣吾立乎此攝也終致國乎與夷故君子大居正宋之禍宣公為之也左氏曰宋宣公可謂知人矣立穆公其子享之命以義夫宣公之義則未為義也以為梯禍則禍不有宣公夫宣公之與穆公皆勇於隱公也穆公受於宣公十年而卒殤公受於穆公九年而我皆是皆過於周公之年夫宋之穆殤其能賢於周公乎穆殤不能賢於周公隱公不能賢於穆殤故禪受之義非虞帝莫之能講也後有作者雖周公亦可以不講矣而曰

禪受禪受者穆殤之罪人也

及莊公立兩世而為桓公桓公疾太子茲父固請曰目夷長且仁請立之公命子魚子魚辭曰能以國讓仁孰大焉臣不及也且不顺乃立襄公襄公欲亟圖霸子魚數諫不聽卒以敗死國人欲立子



魚子魚不受也故如春秋之世有宋子魚曹  
子臧吳子札此三子者所謂有虞氏之民也

僖公  
元年夏六月邢遷于夷儀

二年春王正月城楚丘

僖公元年齊桓公遷邢于夷儀而曰邢遷於夷儀  
猶邢自遷之也二年為衛城楚丘而曰城楚丘猶  
我自城之也夫以我城衛有異於齊之城衛與衛  
之自城者乎故曰衛國忘亡邢遷如歸方狄之初  
滅衛也衛之遺民男女七百有三十人益以共滕  
之民為五千人立戴公以廬于曹許穆夫人所為  
賦載馳也齊侯使公子無虧帥車三百乘甲士三  
千人以戌曹歸兮乘馬祭服五稱牛羊豕狗難皆  
三百與門材歸夫人魚軒重錦三十兩其與邢則  
亦如此矣衛文公始立大布之衣大帛之冠務材

訓農通商愚工敬教勸學授方任能詩所為賦定之  
方中也而卒以滅邢見黜于春秋生書其名以比  
夫穀伯綏鄧侯吾離者明夫邢衛之思桓公也桓  
公生而並邠其難取於狄人而與之桓公殂未七  
載而滅於共難之國故邢人之思桓公甚於衛人  
之思桓公也然則春秋不罪齊之專封乎曰衛侯  
也邢亦侯也天子不能救而方伯救之救而城之  
齊魯之城衛猶齊魯之自城也哉而築之何專封  
之有然則與其救邢衛何如滅狄曰狄之未易滅  
也與狄為難則中國多事衣裳之會不勝數介桓  
公方思所以柔之于羽兩階則猶未有方也夫以  
四國伐齊之時而狄能救齊則齊之不能滅狄明  
矣然則狄霸乎曰狄欲霸春秋不與狄以霸故桓  
公不與狄爭霸不與狄爭霸亦不與晉楚爭王故  
桓公者富而有禮惠而能  
散亦所謂有虞氏之民也

然則宋襄公之愚也不謂之有虞之民與曰宋襄公詐也何愚之有以謂傲仁而動傲義而止可以諉聞可以動衆身雖見執而可要文王之譽故正之餘譎猶愚之餘詐也

### 成信章第二十一

子言之事君先資其言拜自獻其身以成其信是故君有責於其臣臣有死於其言故其受祿不誣其受罪益寡

夫是謂虞帝所御臣者乎虞書曰敷納以言明庶以功車服以庸誰敢不謀敢不敬應以聖人為治而責言於臣若此之嚴也使人不取不讓不敢不敬則近於操術者也然以言知人以人課功非術

也道也先資成信上有所責下有所死非法也義也繇自謂治水不能治水共工自謂治土不能治土故上罪其臣臣不敢辭君殺其父子不敢怨無是道也則無以化亦無以教亦無以勸以率也故以教化勸率為衍者非獨春秋用之易詩書皆用之也故寡罪而不誣亦有虞氏之教也

管仲之資信於桓公也曰我先王昭王穆王世法文武遠績以成名合羣變比校民之有道者設象以為民紀式權以相應比綴以度導本肇末勸之以賞賜糾之以刑罰班序顛毛以為民紀統故曰參其國伍其鄙定民之居成民之事陵為之終而慎用其六柄成民之事者使士農工商各安其心各習其事不見異物而遷焉定民之居者制國以為二十一鄉工商之鄉六軍士之鄉十五公率五鄉焉國子率五鄉焉高子率五鄉焉參國起案以為三官正月之朔鄉長復事君親問之得其賢者

謂之三選察其隱蔽謂之五罪乃作內政而寄軍  
令相地立征而得邦賦輕過謫贖以作甲兵五家  
為軌故五人為伍軌長帥之十軌為里故五十人  
為小戎里有司帥之四里為連故二百人為卒連  
長帥之十連為鄉故二十人為旅鄉良人帥之五  
鄉一帥故萬人為軍五鄉之帥率之國子高子退  
而修鄉鄉退而修連連退而修里里退而修軌軌  
退而修伍伍退而修家是故匹夫有善可得而舉  
也匹夫有不善可得而誅也鄉不越長朝不越爵  
罷士無伍罷女無家夫是故民皆勸為善與其為  
善於鄉也不如為善於里與其為善於里也不如  
為善於家是故士莫敢言一朝之便皆有終歲之  
計莫敢有終歲之議而皆有終歲之功卒伍之人  
祭祀同福死喪同恤旣災共之人與人相疇家與  
家相疇世同居少同游故夜戰聲相聞足以不乖  
畫戰目相視足以相識其歡欣足以相死是故守

則同固戰則同彊有此士也三萬人以方行於天下以誅無道以屏周室天下莫之能禦是管仲所獻於桓公桓公所信於管仲者也

晉文公始入而教其民二年欲用之子犯曰民未知義未安其居於是乎出定襄王入務利民民懷生矣將用之子犯曰民未知信未宣其用於是乎伐原以示之信民易資者不求豐焉明微其辭公曰可矣乎子犯曰民未知禮未生其共於是乎大蒐以示之禮作執秩以正其官民聽不惑而後用之出穀戎釋宋圍一戰而霸文之教也故古人之不輕用其民也亦不輕用其君度其信成而後言之言則必行之未有以言嘗其君使君責其言者使言嘗其君而君責其言則其言亦不足以信罪亦不足以死是管仲孤偃之所不為也

然則鄧禹耿弇諸葛亮王猛皆足以與於此乎曰  
姚崇李泌亦足以與於此也士不欺其君不欺其  
心程慮而圖之量才而乘之百里之牛馳六十千  
里之馬走三百慮帝半王慮王半霸雖有山谿雷  
雨不阻之矣然則後之君子其足以與於此乎曰  
范景仁張子厚與之共事約其終始則猶足以成  
信也慮定而發審括而持之不為礙難變質不以  
初終改度者其富鄭公李忠定乎言可以成其身  
身可以死其言

## 望受章第二十二

子曰事君大言入則望大利小言入則望小利故君子  
不以小言受大祿不以大言受小祿易曰不家食吉

利者天下之事祿者一家之務也利天下而懷其  
家仁者不為也利一家而不利天下義者不為也  
以一家之言利天下君子猶或為之以天下之言  
利一家則君子不為也易曰不家食吉利涉大川  
涉川履危家食即安解安即危君子之所畏也而  
大人猶或為之故大人之禄食天下小人之禄食  
一家晉文公之適齊也齊侯妻之甚善焉有馬二  
十乘將死於齊而已矣曰民生安樂誰知其它桓  
公卒孝公即位諸侯畔齊子犯知齊之不可以動  
知文公之安齊而有終焉之志也欲行而患之與  
從者謀於桑下蠶要在焉莫知其任也妾姜氏  
姜氏殺之而言於公子曰從者將以子行其聞者  
吾已除之矣子必從之不可以貳貳無成命詩云  
上帝臨汝無貳爾心子去晉難而極於此自子之  
行晉無寧歲民無成君天未喪晉無異公子有晉  
國者非子而誰子其勉之上帝臨子矣貳必有咎



公子曰吾不動矣必死於此姜曰不然周詩曰  
采芣苢夫每懷靡及夙夜征行不遑啓處猶懼無及  
況其順身縱欲懷安將何及矣西方之書有之曰  
懷與安實疚大事鄭詩曰仲可懷也人之多言亦  
可畏也昔管敬仲有言小妾聞之畏威如疾民之  
上也從懷如流民之下也見懷思威民之中也畏  
威如疾乃能威民威在民上弗畏有刑從懷如流  
去威遠矣此管仲所以綱紀齊國裨輔先君而成  
霸者也子而棄之不亦難乎齊國之政敗矣晉之  
無道久矣從者之謀忠矣時日及矣公子幾矣君  
國可以濟百姓而釋之非人也敗不可處時不可  
失忠不可棄懷不可從吾聞晉之始封也歲在大  
火開伯之星也實紀商人商之饗國三十一王瞽  
史之記曰唐叔之世將如商數今未半也亂不長  
世若何懷安公子弗聽姜與子犯謀醉而載之以  
行故如晉公子可與涉川者矣以二十乘食於齊

國豈復能以九諸侯食於天下乎故一  
家之言一家之食君子有所不為也

樂武子既殺厲公荀營與士魴如周迎悼公庚午  
大夫逆於清原公言於諸大夫曰孤始願不及此  
孤之及此天也抑人之有元君將稟命焉若稟而  
棄之是焚穀也其稟不材是穀不成也穀之不成  
孤之咎也成而焚之二三子之虐也孤欲長處其  
願出令將不敢不成二三子為令之不從故求元  
君而訪焉孤之不元廢也雖怨元而以虐奉之二  
三子之制也若欲奉元以濟大義將在今日若欲  
暴虐以離百姓反易民常亦在今日圖之進退願  
繇今日大夫對曰君鎮撫羣臣而大庇廢之無乃  
不堪君訓而陷于大戮以煩刑史辱君之允令敢  
不承業乃盟而入故如晉悼公則可謂大言八聖  
大利小言八聖小利者矣可謂不  
以小言受大祿大言受小祿者矣

鄢陵之戰晉伐鄭荆救之欒武子將上軍范文子將下軍欒武子欲戰范文子不欲曰吾聞之唯厚德者能受多福無德而服者衆必自傷也稱晉之德諸侯皆叛國可少安唯有諸侯故擾擾焉凡諸侯難之本也且唯聖人能無外患又無內憂距非聖人不有外患必有內憂孟姑釋刑與鄭以為外患乎諸臣之內相與必將輯睦今我戰而勝荆與鄭君將代知而多力怠教而重欲大其私暱而益婦人田不奪諸大夫田則焉取以益諸臣之委室而徙退者將與幾人戰若不勝則晉國之福也戰若勝亂地之秩也產害將大盍姑無戰乎欒武子曰昔韓之役惠公不復舍泌之役三軍不振旅箕之役先軫不復命國有大耻三我仕國政不損晉耻又違蠻夷以重之雖有後患非吾所知也范文子曰擇福莫若重擇禍莫若輕福無所用輕旣無所用重晉國固有大耻與其君臣不相聽以為諸

侯笑也盡姑以違蠻夷為耻乎如范文子者可謂  
小言入則去小言大言入則去大言者矣可謂不  
以大利易大祿不以大利易小祿者矣故利祿者  
禍害之門也不可不慎也樂書之言利於家而害  
於國國之不食家亦無利焉  
是大畜所反首而為无妄也

無終子嘉父使孟樂如晉因魏莊子納虎豹之皮  
以請和諸戎晉侯曰戎狄無親而貪不如伐之魏  
絳曰諸侯新服陳新來和將觀於我我德則睦否  
則搆貳勞師於戎而楚伐陳必弗能救是棄陳也  
諸華必叛戎禽獸也獲戎失華無乃不可乎夏訓  
有之曰有窮后羿公曰后羿何如對曰昔有夏之  
方衰也后羿自鉏遷于窮石因夏民以代夏政恃  
其射也不修民事而淫于原獸棄武羅伯因熊羆  
尤罔而用寒浞寒浞伯明氏之讎子弟也伯明后  
寒棄之夷羿攻之信而使之以為己相浞行媚于

內施賂於外愚弄其民而虞羿於田樹之詐惡以  
取其國家內外咸服羿猶不悛將歸自田家果殺  
而亨之以食具于其子不忍食死于窮門靡奔有  
鬲氏泥因羿室生澆及豷恃其讒慝詐僞而不德  
于民使澆用師滅斟灌及斟尋氏處澆于過處豷  
于戈靡伯有鬲氏收二國之墟以城浞而立少康  
少康滅澆于過后杼滅豷于戈有窮綵是遂亡失  
人故也昔周辛甲之為太史也命百官箴王闕於  
虞人之箴曰芒芒禹跡畫為九州經啓九道民有  
寢廟獸有茂草各有攸處德用不擾在帝夷羿冒  
于原獸忘其國卹而思其鹿牡武不可重用不恢  
于夏家獸臣司原敢告僕夫虞箴如是可不懲乎  
於是晉侯好田故魏絳及之公曰然則莫如和戎  
乎對曰和戎有五利焉戎狄荐居貴貨易土土可  
賈馬一也邊鄙不聳民狎其野穡人成功二也戎  
狄事晉四鄰振動諸侯咸懷三也以德綏戎師徒

不勤甲兵不煩四也鑒于后羿而用德度遠至邇安五也君其圖之公說使魏絳盟諸戎乃修民事田獵以時卒撫戎狄以正諸華八年之中九合諸侯是魏絳之言小入則小利大入則大利不以小言受大祿不以大言受小祿則蕭魚之會金石在懸是也晏子之宅近市而湫隘景公命更之辭曰君之先臣容馬臣不足以嗣之於臣侈矣且小人近市朝夕得所求小人之利也敗煩里旅公笑曰子近市識貴賤乎對曰既利之敢不識乎公曰何貴何賤時刑繁有鬻踊者對曰踊貴屨賤景公於是省於刑君子曰仁人之言其利溥哉晏子一言而齊侯省刑詩曰君子如祉亂庶遘己是晏子之以小言得大利者也

子皮欲使尹何為邑子產曰少未知可否子皮曰愿吾愛之不吾叛也使夫往而學焉夫亦愈知治

矣子產曰不可人之愛人求利之也吾子愛人以  
政猶未能操刀而使割也其傷實多子有美錦不  
使人學製馬大官大邑身所庇也而使學者製馬  
其為美錦不已多乎橋聞學而後入政未聞以政學  
也譬如田獵射御貫則獲禽否則覆壓是懼何暇  
思獲子於鄭國棟也棟折稂莠弱橋將壓焉敢不盡  
言子皮曰善哉虎聞君子務知其大者遠者小人  
務知其小者近者我小人也衣附在身吾知慎之  
大官大邑所以庇身也達則不知故如子  
皮子產可謂利當具言當其祿者矣

下邑之役董安于多趙簡子賞之辭固賞之對曰  
方臣之少也進東筆贊為名命稱於前世義於諸  
侯而主弗志及臣之壯也耆具股肱以從司馬尚  
慝不產及臣之長也端委鞶帶以隨宰人民無貳  
心今臣一旦為狂疾而曰必賞女是以狂疾賞也  
不如亡趨而出乃釋之董安于其通於大畜无妄

之意者乎元妄不避  
非禍大畜不就私福

泰后子仕晉其車千乘楚子干仕晉其車五乘叔  
向為太傅實賦祿韓宣子問二公子之秩焉對曰  
大國之卿一旅之田上大夫一卒之田二公子者  
上大夫也一卒可也宣子曰泰公子富若之何其  
鉤之也對曰夫爵以建事祿以食爵德以賦之功  
庸以稱之若何具以富賦祿也大絳之富商常藩  
木健以過於朝唯其功庸少也能金玉其車文錯  
其服能行諸侯之賄而無尋尺之祿無大績於民  
也且秦楚匹也若何其回於富也叔向具通於數  
奏明試之義者乎數侯者必以言明試者必以功  
以言課功以功課庸故下不苟言而上無倖祿仰  
雍曰竊人之財謂之盜其始取之也唯恐其不多  
也及其敗也唯恐其不寡矣故賄與賊一物而兩  
名利與害故也竊人之美謂之徵其始取之也唯



恐其不多也及其敗也唯恐其多矣故譽與毀一  
事而兩名者名與實故也君子不以名喪實不以  
利賈害故名利之間君子之家食不存焉君子者  
相其時宜使天下食利焉者也然則後之君子孰  
足以與於此乎曰楊簡黃澤之倫足以與於此也  
曰是家食者也而與於此何也曰是家食而不食  
於家食於家則以言  
行而市利祿者矣

### 式穀章第二十三

子曰事君不下達不尚辭非其人弗自小雅曰靖共爾  
位正直是與神之聽之式穀以女

下達則為利尚辭則為名非人則為情利名情三  
者正直之所不與也邵堯夫曰名者實之客也利

者害之主也。名生於不足，利喪於有餘。害生於有餘，實喪於不足。又曰：人所謂才，有利有害，何也？曰：正不正之別也。才之正者，利乎人而及其身；才之不正者，利乎身而害乎人。故曰：神者，正直之謂也。然則正直者，無有餘不足乎？曰：正直則中，中則大。易曰：正大而天地之情可見矣。然則大壯為天地之情，何也？曰：盛陽也。雷動於上天，行於下，物生其間，莫之敢私，故為利而事其君，名為名而干其上，為私而比其友三者，鬼神之所惡也。魏絳為利而奉其上，子產為辭而保其國，叔向非類而全其身，夫非正直而能如此乎？然則春秋列國殺其大夫者，三十有六，失皆為此乎？直而敗者乎？曰：春秋不執行人，不殺大夫，共五。執行人三十六，殺大夫皆春秋所不許也。夫固有名，其罪正其辭者矣。而春秋不殺其官，不書其事，則鬼神所聽亦有所緩死也。然則齊放之故，亦率坐此乎？曰：世亂矣，惡直醜正，實繁。

有徒居者不必殺行者不必殫聖人所成蓋謂有  
位者也有位者入告宗社出就盟約唯利是視唯  
辭是尚狙獐是交僕隸是親蓋多有君子所不為  
者詩曰莠彼柳斯鳴蜩嘒蜩皆有淮者淵桂葦淠淠  
言其雅也夫不雅而安以為霸不霸不秋  
安有諸侯故春秋於此亦不得不怨也

公<sup>傳</sup>三十有一年春取濟西田公子遂如晉

左氏曰取濟西田分曹地也使臧文仲往宿於重  
館重館人告曰晉新得諸侯必覲其共不速行將  
無及也從之分曹地有非以南東傳於濟盡曹地  
也曹地而取之取不義也以諸侯而分諸侯之田  
且出同姓故諱之而愈章然則公子遂取之乎曰  
臧文仲取之臧文仲取之而公子遂拜之何也曰  
皆下達者也上達者如何曰是文之昭也唯不修  
禮以喪其田吾其知戒矣矣社稷之詛從於天王封

疆之義從於大國曹不失田而魯不失義夫為晉者亦可以自達矣

宣公

元年夏季孫行父如齊

公會齊侯于平州

六月齊人取濟西田

左氏曰季文子如齊約賂以請會齊人取濟西田為立公故賂也夫為會平州故賂也會賂之輕於立賂者與以賂立又以賂會之夫非齊惠公與是亦以國弑君而取之也平州之會則猶之燕雁也使宣公藉齊則惠公必藉魯曰是為君夫人也君夫人而取田何也曰是為兄弟而與之猶為兄弟而反之也然則是為下達者與為辭者與曰非其人而自也襄仲之於敬嬴敬嬴之於宣公宣公之於齊惠公皆非可自也然則齊惠公亦為不義與曰彼己之稱亦有納竹中之心

公成

二年夏六月癸酉季孫行父臧孫許叔孫僑如公

孫嬰齊帥師會晉卻克衛孫良夫曹公子首及齊

侯戰于鞏齊師敗績

斷道之盟不為卻克也鞏之戰則為卻克也斷道之盟同為外楚一變而同伐齊以一笑之怨三年兩君矣而驅四師從之不可以已乎且是無辭也以圍龍之故尋其憤兵則得失相當矣王師方敗於貿戎莫之討也而相尋於甥舅之國是王室之所惡也故晉閭之尚辭跋眇之相自憤師之下達未有過於此者也故鞏之戰魯其戎首也詩曰毋教猱升木如塗塗附魯即不為戎首其附塗者矣

公成

二年秋取汶陽田冬楚師鄭師侵衛

十有一月公會楚公子嬰齊于蜀丙申公及楚人  
秦人宋人陳人衛人鄭人齊人曹人邾人薛人鄆  
人盟于蜀

汶陽田者我之故田也倚晉而取之猶之濟西田  
也初臧宣叔與晉侯盟於赤棘歸而元繕具守備  
曰齊楚結好我新與晉盟齊師必至晉雖伐齊楚  
必救之是齊楚同我也知難有備乃可以逞至是  
楚師侵衛遂侵我于蜀使宣叔往宣辭曰楚遠  
而久固將還矣無功而受名臣不敢楚侵及陽橋  
矣孟孫請往賂之以執斲鐵織紵皆百人公衛  
為質以請盟楚人乃許平十一國之盟楚為盟主  
蔡侯許伯皆乘楚車用不登於春秋夫是登於春  
秋者為誰之人乎故非其人弗自春秋之所戒也

糕之役齊襄公降而稱人茅津之師蔡穆公以霸  
主降而稱人又況於子男卿大夫乎蔡侯許伯益  
欲稱人而不可得也

襄公

二十有七年夏叔孫豹會晉趙武楚屈建蔡公孫  
歸生衛石惡陳孔奐鄭良霄許人曹人於宋

秋七月辛巳豹及諸侯之大夫盟于宋

宋向戌善於趙文子又善於令尹子木欲弭諸侯  
之兵以為名如晉告趙孟趙孟謀於諸大夫韓宣  
子曰兵民之殘也財用之蠹小國之大害也將或  
弭之雖曰不可必將許之弗許楚將許之以召諸  
侯則我失為盟主矣晉人許之如齊齊人難之陳  
文子曰晉楚許之我焉得已且人曰弭兵而我弗

許則固携吾民矣將焉用之齊人許之告於秦秦亦許之皆告於小國為會於宋五月甲辰晉趙武至於宋丙午鄭良霄至六月丁未朔宋人享趙文子叔向為介司馬置折俎禮也仲尼謂是舉也以為多文辭故多文辭者聖人所不尚也及七月乙酉宋公及諸侯之大夫盟於蒙門之外子木問於趙孟曰范武子之德何如對曰夫子之家事治言於晉國無隱情其祝史陳信於鬼神無愧辭子木歸以語楚子楚子曰尚矣哉能歆神人宜其光輔五君以為盟主也故為要約而不信於人為盟誓而不信於鬼神雖小人不為之矣

公衆

二十有九年夏仲孫羯會晉荀盈齊高止宋華定

衛世叔儀鄭公孫段曹人莒人滕人薛人小邾人



# 城杞

晉平公杞出也。故治杞六月，知悼子合諸侯之大夫以城杞。孟孝伯與鄭子太叔伯石往于太叔見公叔文子與之語。文子曰：「甚乎！其城杞也。」子太叔曰：「若之何哉？」晉國不恤周宗之闕，而夏肆是屏其棄諸姬，亦可知矣。諸姬是棄，其誰歸之？吉也。聞之棄同，即異是謂離德。詩曰：「洽比其隣，昏姬孔云。」晉不隣矣，其誰云之？

## 昭公二年冬，公如晉，至河，乃復季孫宿如晉。

是年，少姜也。少姜寵於晉侯，謂之少齊。數月而卒，公如晉，及河，晉侯使士文伯辭曰：「非伉儷也。」請君無辱公。還，季孫宿遂致服馬。明年正月，鄭游吉送少姜之葵梁，丙與張趯見之，梁丙曰：「甚矣子之為。」

此來也子太叔曰將得己乎昔文襄之霸也其務  
不煩諸侯令諸侯三歲而聘五歲而朝有事而會  
不協而盟君薨大夫弔卿共葬事夫人弔大夫  
送葬足以昭禮命事誅闕而已無加命矣今嬖寵  
之喪不敢擇位而數于守適猶懼獲戾豈敢憚煩  
少姜有寵而死齊必繼室今茲吾又將來賀不唯  
此行也張趯曰善哉吾得聞此數也然自今子其  
無事矣譬如火馬火中寒暑乃還此其極也能無  
退乎晉將失諸侯諸侯求煩不獲二大夫退子太  
叔曰張趯有知其猶在君子之懷乎甚矣諸侯大  
夫之失所自也城祀猶可而賀弔其寵嬖且以逆  
女非卿而執齊之大夫欲求不退其可得乎詩曰  
墓門有棘斧以斯之晉平公之謂也

昭公

七年三月公如楚

# 九月公至自楚

楚子成章華之臺願與諸侯落之太宰蒞啓疆來  
台公辭曰昔我先君成公命我先大夫嬰齊曰吾  
不忘先君之好將使衡父照臨楚國鎮撫其社稷  
以輯寧爾民嬰齊受命于蜀奉承以來弗敢失墮  
而致諸宗祧自我先君共王引領北望日月以冀  
于今四王矣嘉惠未至唯襄公之辱臨我喪孤與  
二三臣悼心失圖社稷之不皇況能懷思君德今  
君若步玉趾辱見寡君寵臨楚國以信蜀之役致  
君之嘉惠是寡君既受賜矣何蜀之敢望其先君  
鬼神實嘉賴之豈唯寡君若若來使臣請問行  
期寡君將承質幣而見于蜀以請先君之貺公將  
往夢襄公祖梓慎曰君不果行襄公之適楚也夢  
周公今夢襄公不果行子服惠伯曰先君未嘗適  
楚故周公祖以道之襄公既適楚矣而祖公不行

何之甚矣周公之哀也為蜀之會公衡逃質而至  
於此也然則公子遂乞師不至於此乎曰啓疆有  
辭蓋魯之下達  
于是四世矣

公昭  
八年夏叔弓如晉

叔弓如晉賀虢祁也游吉相鄭伯以如晉亦賀虢  
祁也史趙見子太叔曰甚矣其相蒙也可弔也而  
又賀之子太叔曰若何弔也其非唯我賀將天下  
實賀是矣正直之難也以諸君子之賢迫於晉楚  
城杞以降雖少姜虢祁章  
華亦奔走不暇况其它乎

公昭  
十有二年冬十月公子慙出奔齊

季平子立不禮於南蒯南蒯謂公子慙曰吾出季  
氏而歸其室于公子更其位我以費為公臣子慙

許之初蒯之將叛也枚筮之遇坤之比曰黃裳元吉以為大吉也示子服惠伯惠伯曰吾嘗學此矣忠信之事則可不然必敗外彊內溫忠也和以率貞信也故曰黃裳元吉黃中之色也裳下之飾也元善之長也中不忠不得其色下不共不得其飾事不苦不得其極外內唱和為忠率事以信為共供養三德為善非此三者弗當且夫易不可以占險將何事也且可飾乎中美能黃上美為元下美則裳參成可筮猶有闕也筮雖吉未也及公子慙從公如晉南蒯懼不克叛如齊子仲還及衛聞亂亦遂奔齊魯之君臣父子皆出於齊者南蒯之為也南蒯之費辭也公子慙從之其下違之人乎哉衛公孟縶押齊豹奪之司弛與鄆有役則反之無則取之豹慙將殺之謂宗魯曰公孟之不善于所知也勿與乘吾將殺之宗魯者豹所違也對曰吾繇子事公孟子假吾名焉故近我雖其不善吾亦

知之抑以利故不能去是吾過也今聞難而逃是  
惜子也吾將死之以周事子而歸死於公孟及公  
孟有事於蓋獲之門外宗魯駢乘齊氏用戈擊公  
孟宗魯以背蔽之皆死琴張聞宗魯死將往弔之  
仲尼曰齊豹之盜而孟縶之賊矣弔焉君子不食  
姦不受亂不為利疚於回不以回待人蓋不義  
不犯非禮故宗魯之伯非人不如苑何忌之辭賞  
也當齊豹之亂衛侯出外齊使公孫青聘不失禮  
衛侯告寧齊侯賞公孫青徧賜大夫苑何忌辭曰  
與人之賞必從其罰父子兄弟不相及也故苑何  
忌則可謂慎所伯者矣逢丑父之殿齊人不受其  
功夙沙衛之言魯人甘受其死而況於君子乎

公昭

二十五年冬十月戊辰叔孫舍卒

十有一月己亥宋公佐卒于曲棘

陽州之難叔孫昭子在闕及歸見孝平子平子稽顙曰子若我何昭子曰人誰不死子以逐君成名子孫不忘不亦傷乎將若子何平子曰苟使意如得改事君所謂生死而肉骨也昭子從公于齊與公言子家子閉公館昭子與公言于幄內曰將安衆而納公公徒將殺昭子伏諸道左師展告公昭子潛自鑄歸見平子有異志冬十月昭子齊于其寢使祝宗祈死八日卒宋元公為公如晉夢太子藥即位于廟已與平公服而相之亦遂薨于曲棘又數年叔詣謀納公亦卒夫以臣復君皆正直者也而神之不與之何也臧會卜于僂句而得僭季孫禱于煬宮而得享是皆不正直者也而卒以榮終其季友之餘澤乎季友殺兩兄而澤及十世季友之正直昭子昭伯叔矜子家子蓋未之及也張載曰以知人為難故不輕去未彰之罪以安民為難故不輕變未厭之君堯不去四凶及舜而去之

堯以君德厚其終弊以臣德度其始不厚其終不度其始雖霍桓同譏矣魯之君臣蓋未足以語此也

正慮章第二十四

子曰事君遠而諫則譖也近而不諫則尸利也

子曰邇臣守和宰正百官大臣慮四方

子曰事君欲諫不欲陳詩云心乎愛矣瑕不謂矣中心

藏之何日忘之

諫者近臣之事也近臣不諫則遠臣必不敢諫雖有調而欲諫者則亦少矣楚之臣多諫者以正以



慮雖敗於吳而雄霸不絕晉之臣無有諫者相與  
守和雖一勝於楚而國家分裂卒不復反然則守  
和何義也曰晏子所謂義也晏子曰和如羹  
焉水火醯醢鹽梅以烹魚肉燂之以薪宰夫和之  
齊之以味濟其不及以洩其過君子食之以平其  
心君臣亦然君所謂可而有否焉臣獻其否以成  
其可君所謂否而有可焉臣獻其可以去其否是  
以政平而不乖民無爭心聲亦如味一氣二體三  
類四物五聲六律七音八風九歌以相成也清濁  
大小短長疾徐哀樂剛柔遲速高下出入周疏以  
相濟也君子聽之以平其心心平德和故詩曰德  
音不瑕若是者晏子所謂守和也以是守和則必  
有正有慮有正有慮則必不能無諫矣然則楚之  
有諫而晉之無諫何也曰楚之有諫自鬻拳始也  
鬻拳自刎以爲大闢而不失令名於是伍舉之諫  
淫樂爲賈之諫徙都孫叔敖教之諫國是申叔時之諫

諫滅陳椒舉之諫慎禮聲子之諫逐臣申無宇之  
諫大城子革之諫求鼎越及於諸大夫多有聞諫  
者一聽費無極之言誅伍奢走伍員而幾以亡其  
國晉之無諫自靈公之欲殺趙盾始也靈公欲殺  
趙盾不克而卒以死於桃園厲終晉之世無一諫臣之  
偃不果而卒以弒於匠麗終晉之世無一諫臣之  
言遂使六卿起而分晉晉侯饋然瓦解而不悟然  
則齊有嬰子而亦并於田氏何也曰守和正慮非  
一人之事也國有大臣將攬衆政其先必有小患  
以結言者之心其既必有大威以結言者之舌不  
言而實則曰君賞之小言重誅則曰君誅之君便  
於遂非而臣便於苟禄君便於肆欲而臣便於容  
軀然後大臣因而收之使正者無以正慮者無以  
慮便辟左右譽者衆至謂之守和國家之敗則必  
繇此也張載曰稽衆捨己克也與人為善舜也聞  
善言則拜禹也用人惟己改過不吝湯也不聞亦

式不諫亦入文王也無五聖人之才而欲以飾非長世難矣哉

然則正者有諫而慮者無諫乎曰已慮之何為其無諫也且使大臣不諫則過臣之諫亦無繇入矣然則范氏父子晉之良者也每聞大事歎而不諫何也曰晉之政在於大夫大夫諫於君則謂之諍也諫於卿則謂之難也且范氏父子學於趙盾武諫為道者也卻獻子怒齊之笑也歸請伐齊范武還自朝謂文子曰愛乎吾聞之千人之怒必獲毒焉卻子之怒甚矣不逞於齊必發諸晉國不得政何以逞怒余將致政焉以成其怒無以內易也爾勉從二三子以敬從君命於是乃老鄆陵之役范文子謂卻至曰若以吾意諸侯皆畔則晉可為也唯有諸侯故擾擾焉凡諸侯難之本也得鄭憂滋長安用鄭卻至曰然則王者多憂乎文子曰我王者也乎哉夫王者成其德遠人以其方賄歸之

故無憂今我寡德而求王者之功故多憂子見無  
土而欲富者樂乎哉若是乎范文子之諫也曰足  
卻至也非君也曰卻至樂書皆君也然則范文子  
之不諫樂書何也曰桑隧之役已諫之矣強諫之  
道行於君不可行於友

然則左史倚相其陳矣乎曰倚相陳於臣不敢陳  
於君左史倚相廷見申公子疊子疊不出左史謗  
之舉伯以告子疊怒而出曰女無亦謂我老耄而  
舍我而又謗我左史曰唯子老耄故欲見以交傲  
子若子方壯能經營百事倚相方奔走承序於是  
不給而何暇得見昔衛武公年九十有五矣猶歲  
饒於國曰自卿以下至於師長士苟在朝者無謂  
我老耄而舍我必恭恪朝夕以交戒我聞一二之  
言必誦志而納之以訓道我在與有旅賁之規但  
宁有官師之典倚几有誦訓之諫居寢有警御之

箴臨事有瞽史之道宴居有工師之誦史不失書  
矇不失誦以訓御之於是乎作懿戒以自儆也及  
其沒也謂之獻聖武公子實不遘暇食患於小民唯  
周書曰文王至于日中昃不遑暇食患於小民唯  
政之恭文王猶不敢惰今子老楚國而欲自安也  
以禦數者王將何為子疊懼曰老之過也乃驟見  
左史是左史之陳也陳於子疊不敢陳於靈王子  
疊非執政者也凡諫正於王而慮於執政晉國多  
慮而楚國多正

然則正行於百官則宰可以不諫慮行於大臣則  
大臣亦可不諫也而曰近而不諫則尸利何也曰  
正諫者以官慮諫者以事正慮見於過而著於遠  
以不諫為守和以諫為小臣之事者是春秋之所  
惡也然則遠臣不可以諫乎曰遠臣不與過事遠  
臣而與過事則亂也然則勑觀藍尹非乎寺人勑

鞅者嘗伐文公於蒲城公踰垣勃鞅斬其袪及入  
勃鞅求見公辭焉曰驪姬之讒爾射余于屏內因  
余於蒲城斬予衣袪又為惠公從予于渭濱命曰  
三日女宿而至于予於伯楚何舊怨也退而思之異  
日見我對曰吾謂君已知之矣故入猶未之知又  
將出矣事君不貳是謂臣好惡不易是謂君君君  
臣臣是謂明訓明訓能終民之主也二君之世蒲  
人翟人余何有焉除君之所惡唯力所及何貳之  
有今君即位其無蒲翟乎伊尹放太甲而卒以為  
明王管仲賊桓公而卒以為侯伯乾時之役申孫  
之矢集於桓鉤鉤近於袪而無怨言今君之德宇  
何不寬裕也惡其所好其能久乎余畢庚之人也  
又何患焉今不見我後且有悔公遽見之乃知呂  
冀之誅以不焚於公宮豎頭須之言則亦猶此也  
吳人入楚昭王出奔濟於成臼見藍尹疊載其孥  
王曰載予對曰自先王莫隊其國當君之世而亡

之君之過也遂去王歸又求見王欲執之子西曰  
請聽其辭王使謂之曰成白之役而棄不穀今來  
何也對曰昔費旼唯長舊惡以敗於柏舉故君及  
此今又效之無乃不可乎臣避於成白以檄君也  
庶悛而更乎今之敢見觀君之德也曰庶改而鑒  
前惡乎君若不鑒而長之君不愛國臣何有於死  
死在司敗矣唯君圖之子西曰使復其位以無忘  
前敗君乃見之夫勅鞶則奇以諫也藍尹疊則不  
可以諫也諫者有教而無慙有規而無教有教而  
規之雖奄豎豎自比於伊管有慙而教之雖伊管不  
比於奄豎豎藍尹亦幸而值昭王也使值文公則其  
復位猶未可知也何也文公以奄豎為通臣者也  
通臣進言達臣數謨是介  
子推所終隱而不出者也  
然則鄒浩陳瓘足與於正慮之事乎曰達通異地  
大小異任固未可定也審括不出動而有獲具向

敏中呂端乎為邇臣不邇於情為遠臣而遠於名  
遠於名而使上聞之何也曰是亦有四方之慮焉  
善慮者不諫善諫者不陳然則李沆王曾不有四  
方之慮乎曰是皆古之君子也使游於絳軍則  
猶在韓厥荀首之間也

遠辭章第二十五

子曰事君難進而易退則位有序易進而難退則亂也  
故君子三揖而進一辭而退以遠亂也子曰事君三違  
而不出竟則利祿也人雖曰不要吾弗信也

天下之亂皆生於利祿利祿之臣多則正慮之臣  
少正慮之臣少則四方禍敗上多所不知姦賊之



生不可得而禁矣春秋之臣有宋子魚魯叔肝曹子臧吳季札而外亦多為利祿也衛子鱗不為利祿而猶不免於亂夫使世之臣子皆必為五公子者則上無以使其臣下無以事其君使世之臣子而無五公子者則重地輕名竊王通濫者比比也然則蘧伯玉子家羈不為利祿者也而不見於春秋何也曰是無以名為也春秋之書名皆近於亂者也孝子弟弟亦不獲已而著也若蔡季紀季公子友宋子哀是也

桓公  
十有七年秋八月蔡季自陳歸于蔡

蔡季稱字賢之也何賢之蔡桓公若將為宋宣公也蔡季不為穆公若將為公子目夷也獻舞未立蔡季出於陳獻舞已立三月而後歸歸則獻舞立矣故蔡季連於利祿者也然則癸巳稱葬蔡桓侯

何也曰已簡也桓公之卒於六月丁丑是七十七日矣蔡季歸而公已葬薄葬之不得厚速葬之不得緩嗣主為之客不得爭也然則蔡季客子曰客矣知獻舞之不可而猶且為之臣獻舞卒於楚而穆侯立於蔡宗社不墜亂賊不生是誰為之蔡季之為也故春秋之所許必有異許者焉謂陳人之有奉蔡季之請謚者未之乎知蔡季也夫使蔡季請謚而緇秩其君則亦春秋之所誅矣

莊公

三年秋紀季以鄒入于齊

紀季賢於許叔乎許叔入於許而能久有許也紀季入於齊而不能久於齊則無為貴紀季矣然且春秋賢之何也曰若曰紀侯不如紀季之能執爵鞫以事大國也鄒入於齊而能殺齊之怒則猶以伯叔兄弟存紀之祀鄒入於齊而不能殺齊之怒則將以姑姊妹免兄之死也然則紀侯之大去其

國是乎曰土地受之天子宗廟受之於祖如之何其大去之也曰鄰則有祀矣紀何患乎無君紀侯之於紀季同德也穀梁子曰紀侯去國民之從之四年乃哀惜乎其不在歧山之下也然則春秋之貴二季者何也曰惡夫世之不為二季者也臣莒其君子莒其父弟弑其兄豈有它哉利祿而已君以利祿餌其臣臣以利祿餌其君三揖不已則刀及從之矣

公閔

元年秋八月公及齊侯盟于落姑

季子來歸

慶父殺子般季子不能討也去而之陳閔公立季子可以歸季子已殺其兄不能討賊則勢不可歸公及齊侯盟而歸之歸而從政又將舍賊則是季子利祿者也春秋諱其出奔而書其來歸謂季

子之非利祿也三傳之於季子皆曰嘉之也喜之也貴之初九舍車而徒義弗乘也其六五曰六五之吉有喜也夫季子何喜乎魯之喜季子曰季子歸慶父必革行是魯之所喜也使慶父弑閔公而季子又出奔則無為貴季子矣季子以信公出於邾賂莒人殺慶父於莒故季子之陳不為利祿也之陳而歸不為利祿也歸而出於邾不為利祿也代莒而獲莒拏不為利祿也雖受費與汶陽之田季子必曰臣之受此賞也不如國家之宴無事也是季子之志也

文  
十有四年秋宋子哀來奔

左氏曰宋高哀為蕭封人以為卿不義宋公而出遂來奔書曰宋子哀來奔貴之也來則或貴之也來奔何貴乎謂懼選而來也異於逃來者也為卿而又懼選何也宋公子鮑將為君惡昭公於襄夫

人夫人將攻昭公雖昭公亦知之也司城蕩卒蕩  
之子壽不敢為司城請使其子意諸為之謂人曰  
君無道為近官懼及焉棄官則族無所庇子身之  
貳也寧紆死於子猶不亡族及襄夫人殺昭公  
蕩意諸死之又使蕩虺為司馬宋子哀之志亦猶  
之公孫壽之志也公孫壽曰吾寧行矣安能以子  
紆死而又無  
救於國故高哀之奔春秋之所貴也春秋出奔十  
六大夫其得以子稱者高哀而已故公孫壽之志  
不如高哀之志也見夫以族之利祿易子之死者  
乎權其窮也以為  
司城寧為封人

衛孫林父之將逐獻公也并帑於戚而見蘧伯玉  
曰君之暴虐子所知也大懼社稷之傾覆將若之  
何對曰君制其國臣敢奸之雖奸之庸知愈乎遂  
行從近闕出孫子乃敗公徒而立公孫剽及甯喜

之將復獻公也子鮮約之敬如主之賓喜又告遽伯玉伯玉曰瑗不得聞君之出敢聞其入遂行從近關而出夫遽瑗之卷懷可謂不利祿者矣兩聞其事一再出關而聖人不以為非何也權不足則不足以討賊不足以討賊則不足以弭亂不足以弭亂而殺其身君子不為也然則宋高哀賢於邁伯玉乎夫亦各行其志也

定公元年叔孫成子逆公之喪於乾侯季孫曰子家子巫言於我未嘗不中吾志也吾欲與之從政子必止之且聽命焉子家子不見叔孫易幾而哭叔孫請見子家子子家子辭曰羈未得見而從君以出君不命而薨羈不敢見叔孫使告之曰公行公為甯使羈臣不得事君若公子宋主社稷則羣臣之願也凡從君出而可以入者將唯子是聽子家氏未有後季孫願與子從政此皆季孫之願也

使不敢以告對曰若立君則有卿士大夫與守龜在  
羈弗敢知若從君者則貌而出者入可也冠而出  
者行可也若羈也則君知其出也而未知其入也  
羈將逃也喪及壞墮公子宋先入從公者皆至壞  
墮而反然則子家羈之不入禮乎可以入矣從公  
之喪不越在他國然則事讎如何曰屏於墓道之  
南捆屨織席終身不食季氏之食然則季氏  
死可仕乎曰父母之國也何為其不可仕也

公累  
二十有三年冬十月乙亥臧孫紇出奔邾

臧武仲之立悼子也孟孫惡之及孟孫死季氏又  
立羯也孟氏惡武仲譖於季孫曰臧氏將為亂孟  
氏將辟除臧孫使正夫助之甲而從己孟氏告季  
孫命攻臧氏乙亥臧紇斬鹿門之闕以出奔邾初  
臧宣叔娶于鑄生賈及為繼室以其姪穆姜之妹  
子也生紇長於公宮姜氏乃立紇臧賈臧為出於

鑄及是武仲以大蔡致滅賈曰紇不佞失守宗祧  
敢告不弔紇之罪不及不祀子以大蔡納請其可  
賈曰是家之禍也非子之過也賈聞命矣再拜受  
龜使為以納請為遂自為也臧孫如防使來告曰  
紇非能害也知不足也苟守先祀無廢二勲敢不  
避邑魯為之立為也乃致防而奔齊夫子曰臧武  
仲以防求為後於魯雖曰不要君吾不信也魯自  
季文臧紇之後世立少也武仲以蔡與賈欲以自  
蓋而卒為為也利祿之念橫於中即殺嫡立庶  
蕩覆公室猶且為之何為其盟之而無辭也  
卻雍曰爭也者取利之端也謀也者趨名之本也  
利至則害興名興則實喪利至名興而無害生喪  
實之患唯有德者能之然則錢若水張九成其足  
與於此乎曰是非難為也三讓而進一揖而還五  
尺之童猶且為之至於大人皓首而不能為者舍  
子則不忍離族則不可終以身殉之是蕩孫壽所



藉其高  
蹈也

# 敬終章第二十六

子曰事君慎始而敬終子曰事君可貴可賤可富可貧  
可生可殺而不可使為亂

然則春秋亦與卻至乎曰與其侶卻至者也春秋  
之殺大夫與大夫之自出奔者未有深罪也而深  
罪夫與亂而不出奔者與亂而不出奔則是使人  
為亂也然則春秋之不討樂書中行偃何也曰是  
猶之師曠之言也天之立君豈其使一人偃然肆  
於民上晉厲自興亂而樂書中行偃因之桀紂出  
厲不以死謝過也然則春秋之重貴臣者何也曰  
春秋體天以天而視天下皆臣也天子不得誅諸

欽定四庫全書

卷二

侯則諸侯不得誅大夫舉國而裁其君猶以天討獨夫也然則樂書中行偃之罪輕於趙盾與曰書偃為亂者也趙盾使亂者也春秋不討為亂而討使為亂者是春秋之義也

成  
十有七年冬晉殺其大夫卻錡卻犇卻至

晉之多殺大夫也自樂卻之殺趙同趙括始也於是十載矣晉厲公侈多外嬖反自鄆陵欲盡去羣大夫而立其左石胥童以胥克之廢也怨卻氏而嬖於厲公卻錡奪夷陽五田卻犇犴長魚矯而二子皆嬖於公知樂書之欲廢卻至也於是數譖三卻厲公田先婦人而後御佐卻至奉豕寺人孟張奪之卻至射殺張公曰季子欺余胥童曰必先三卻族人多怨去大族不偪敵多怨有庸公信之卻錡欲攻公卻至曰人所以立信知勇也信不叛君知不害民勇不作亂失此三者其誰與我我之有

罪吾死後矣若殺不辜將失其民待命而已受君  
之祿又聚黨以爭命罪莫大焉於是胥童帥甲八  
百將攻卻氏長魚矯請無用衆抽戈結袵偽為訟  
者遂殺駒伯告成叔于榭溫季逃威及諸其車乃  
殺之皆尸於朝胥童因劫樂書及中行偃也請皆  
殺之公曰一朝而尸三卿不忍益也長魚矯曰人  
將忍君臣聞亂在外為姦在內為究御姦以德御  
究以刑德刑不立姦究並至臣請行遂奔狄公使  
解于書偃曰寡人有討于卻氏卻氏既伏其辜矣  
大夫無辱書偃再拜稽首曰君討有罪而免臣于  
死君之惠也二臣雖死敢忘君德公因使胥童為  
卿它日游于匠麗氏樂書中行偃遂執公召士匄  
士匄辭召韓厥韓厥辭曰昔吾畜于趙氏孟姬之  
譖吾能違兵古人有言曰殺老牛莫之敢尸而況  
君乎二三子不能事君安用厥也越月乃殺胥童  
使程滑弑公癸于翼東門之外以車一乘迎悼公

欽定四庫全書

卷二

于周悼公入而亦莫之討也故為君弒於其臣而終莫討者晉厲公是矣可殺可死而不至於亂者卻至是矣然使三卻不死必弒厲公卻至之言不如士匄韓厥之信也故不可使為亂士匄韓厥有焉

襄公

二十有一年秋晉欒盈出奔楚

二十有三年夏晉欒盈復入于晉入于曲沃

欒盈者范之出也范鞅惡欒厲以及欒盈盈之母猶趙莊姬也訴盈于范宣子謂其將叛也宣子逐之盡殺其黨又再會諸侯於商任於沙隨皆錮欒氏也欒盈少而得士不忘晉也謀於齊為媵藩者納于曲沃夜見胥午而告之午曰不可天之所廢孰能興之吾非愛死知不集也盈曰雖然因子而

死吾無悔矣伏之而享曲沃人樂作午言曰今也得樂孺子何如對曰得主而為之死猶不死也皆歎有泣者藺行又言皆曰得主何貳之有盈出徧拜之遂帥曲沃之甲因魏獻子以晝入絳或告於范宣子曰樂氏至矣宣子懼樂王鮒曰奉君以走固宮必無害也樂氏多怨子執民柄又有利權將何懼焉王鮒使宣子墨衰冒經二婦人輦以如公奉公以如固宮范鞅逆魏舒趙乘而叔之皆如公宮韓趙中行無與樂氏者樂盈復奔曲沃乃殺樂盈遂滅樂氏以樂卻之殺二趙也不四十年而樂卻俱滅三御尸朝戮於趙宗樂祁之口莊姬是似夫非天乎以樂盈之能漸於禮義可貧可賤可生可殺雖武子何過焉而匡麗之難醞釀反報七世之族一舉而覆之故春秋之所立王無以異於人所謂天春秋之所立王無以異於人惜乎以范宣子之讓耄老而貪橫戮無辜莫之敢

白則子女之言密而富貴之營專寧負人而不負  
於人之算勝也故晉之為亂者樂卻范中行同智  
也

公定  
十有三年秋晉趙鞅入于晉陽以叛

冬晉荀寅士吉射入于朝歌以叛

趙鞅之稱叛何也利邑而擅殺使人亂者也其使  
亂何也趙鞅欲遷衛人之在邯鄲者邯鄲午未應  
命趙鞅遂殺之邯鄲以是叛鞅荀寅士吉射方與  
邯鄲睦將攻趙氏董安于請備之趙鞅不可曰晉  
國有命始禍者死為後可也於是范中行氏先  
伐趙鞅之官趙鞅奔晉陽晉人圍之荀躒言於晉  
侯曰君命大臣始禍者死載書在河今三臣始禍  
而獨逐鞅刑不均矣請皆逐之冬十一月荀躒韓

不信魏罃多奉公以伐范中行氏弗克二子將伐  
公齊高彊曰三折肱知為良醫唯伐君為不可民  
弗與也我以伐君在此矣三家未睦可盡克也克  
之君將誰與若先伐君是使睦也弗聽遂伐公國  
人助公二子敗奔於朝歌荀寅士吉射則叛者也  
趙鞅未叛者也而先書叛何也趙鞅之殺邯鄲午  
荀范必以叛目趙鞅也鞅不以此時自歸於君引  
擅殺之罪待命於公宮而憫然欲與晉陽之甲則  
鞅先為亂矣即不與晉陽之甲而擊析自衛以待  
荀躒之請則猶之可使為亂也故世之為亂者無  
它曰惡賤惡貧惡死三者而已惡賤而適以賤惡  
貧而適以貧惡死而適以死又益之以亂故樂王  
鮒之智賢於高彊之智高彊之  
智賢於荀寅士吉射之智也  
然則祝佗父申蒯得為志士乎齊莊公之難賈舉  
州綽等皆死祝佗父祭於高唐至復命不說升而

死于崔氏申蒯侍漁者退謂其宰曰爾以節免我  
將死其宰曰免是反子之義也與之皆死曰是可  
以無死也君為不義無復使為不義者亦可以免  
矣其唯晏子乎崔氏殺醜蔑於平陰晏子立於崔  
氏之門外其人曰死乎曰獨吾君也乎哉吾死也  
曰行乎曰吾罪也乎哉吾亡也曰歸乎曰君死安  
歸君民者豈以陵民社稷是主臣君者豈為其口  
實社稷是養故君為社稷死則死之為社稷亡則  
亡之若為己死而為己亡非其私暱誰敢仕之且  
人有君而殺之吾焉得死之而焉得亡之將庸何  
歸門啟而入枕屍股而哭興三踊而出人謂崔子  
必殺之崔子曰民之望也舍之得民夫晏子之不為  
亂易為也然而晏子無洩治之誼無蘧瑗之知負  
其空名以過亂門於慎始敬終之義則有所未逮  
也



然則鄭詹解揚蹶跡得為仁人乎曰得為能臣矣  
文公之伐鄭也以鄭詹為將殺已也鄭人以名寶  
行成公弗許曰予我詹而還師詹請往鄭伯弗許  
詹固請曰一臣可以赦百姓而定社稷君何愛於  
臣也鄭人以詹與晉人晉人將烹之詹曰臣願獲  
盡辭而死固所願也公聽其辭詹曰天降鄭禍使  
淫觀狀棄禮違觀臣曰不可夫晉公子賢明其左  
右皆卿才若復其國而得志於諸侯禍無赦矣今  
禍及矣尊明勝患知也殺身贖國忠也乃就烹據  
鼎耳而疾號曰自今以往知忠以事君者與詹同  
晉侯乃令弗殺厚為之禮而歸之鄭人以詹為將  
軍詹亦可為慎始敬終矣以詹之知豈復可使為  
不美者乎

解揚者晉賢大夫也楚子伐宋宋告急於晉晉侯  
將救之伯宗曰不可雖鞭之長不及馬腹天方授

楚未可與爭瑾瑜匿瑕國君舍昭天之道也君其待之乃使解揚如宋使無降楚曰晉師悉起將至矣鄭人囚而獻諸楚楚子厚賂之使反其言不許三而許之登諸樓車使呼宋人而告之遂致其君命楚子將殺之使與之言曰爾既許不殺而反之何故非我無信女則棄之速即爾刑對曰臣聞之君能制命為義臣能承命為信信載義而行之為利謀不失利以衛社稷搜民之主也義無二信信無二命君之賂臣不知命也受命以出有死無貳又可賂乎臣之許君以成命也死而成命臣之祿也寡君有信臣下臣獲考死

又何求楚子乃舍之以歸

楚子以諸侯及東夷伐吳遽不設備吳人敗諸鵠岸楚子以駟至於羅汭吳子使其弟蹇躒犒師楚人執之將以繫鼓使問曰女卜來言乎對曰吉寡君聞君將治兵於敝邑卜之以守龜曰余亟使人

犒師請行以觀王怒之疾徐而為之備尚克知之  
龜兆告吉曰克可知也君若驩馬好逆使臣茲敬  
邑休急而忘其死亡無日矣今君奮馬震電馮怒  
虐執使臣將以繫鼓則吳知所備矣敝邑雖羸若  
蚤修完其可以息師難易有備可謂吉矣且吳社  
稷是卜豈為一人使臣獲繫鼓而敝邑知備以禦  
不虞其為吉孰大焉國之守龜何事不卜一臧一  
否其誰能常之城濮之兆其報在邇今此行也其  
庸有報志乃弗殺是猶之行人之辭也未足以事  
君足以事君者其晉之狼暉楚之子期子閭乎  
晉襄公時獲秦囚使車右茅駒斬之囚呼茅駒失  
戈狼暉執戈以斬囚禽之以從公乘遂以為右箕  
之從先黔黜之而立續簡伯狼暉怒其父曰盍死  
之暉曰吾未獲死所其父曰吾與女為難暉曰周  
志有之勇則害上不登於明堂死而不義非勇也  
其用之為勇吾以勇求右無勇而黜亦其也謂

上不知我知而宜乃知我矣子姑待  
之及彭衙既陳以其屬馳秦師死焉  
楚子期者楚子軫之庶兄公子結也  
楚子軫卒讓位馬不受閻辛之亂以  
王奔隨王在隨宮之北吳  
人在其南必得王也子期似王曰以  
我與之王必免隨人卜與之不吉乃  
舍子期及吳人退子期割其心以與  
隨人盟白公之入劫子期子西於朝  
子期曰昔者吾以力事君不可以弗  
終扶豫章以殺敵而死子閻者王子  
啓也昭王讓位五辭之而立惠王章  
及白公之入欲以子閻為王子啓不  
可遂劫以兵子閻曰王孫若安靖楚  
國匡正王室而後底馬啓之願也敢  
不聽從若將專利以傾王室不可顧  
楚國有死不能遂殺之故子期子閻  
可謂可殺不可亂者矣然則楚之賢  
者不有市南宜僚乎白公欲得五百  
人之士問於石乞石乞曰不可得也  
市南有熊宜僚者得之可當五百人  
矣乃從而見

之與之言說告之故辭承之以劔不動白公曰不  
為利諂不為威惕不洩人言以求媚者乃舍而去  
之夫合狼脾與熊宜僚可當千人矣其當千人者  
無它謂其富貴生死不足以動之也張載曰君子  
寧言之不顧不規規於非義之信寧身被困辱不  
狗人以非禮之恭寧孤立無助不失身於可賤之  
人夫是亦遠於亂矣後之君子其胡  
銓陳東洪皓之倫亦足以與於此乎

## 厚事章第二十七

子曰事君軍旅不辟難朝廷不辭賤處其位而不履其  
事則亂也故君使其臣得志則慎慮而從之否則孰慮  
而從之終事而退臣之厚也易曰不事王侯高尚其事

是可謂肥遯者乎曰是蠱之遯也猶有事焉終事而退卑孫其志而高尚其事是蠱之升者也蠱之升也以山與地而謂之高尚何也曰山有位而地無位也有位而高雖高必顛無位而高乃升于天故蠱之上九道之高大者也天下未有自為高大而能高大者也然則不事王侯而猶謂之曰臣何也天覆之下無所逃臣也無所逃臣則無所逃事君子孰慮而歸于天慎慮而栖於山故有卑事而無卑志有壞時而無壞事君子所振民育德積小高大其道亦繇此也然則介之推得為高尚者乎曰是亦可謂孰慮者矣世未有無難事而就顯位者也臨河不盟舅犯不來呂冀不驚勃鞞無功之推雖勤其能親於豎頭須乎晉侯嘗從亡者一曰不失禮節一曰胼胝黧黑而之推無有則是之推無難也左氏曰之推不言祿祿亦弗及之推曰獻公之子九人唯君在

矣惠懷無親外內棄之天未絕晉必將有主主晉  
祀者非君而誰天實置之而二三子以為己力不  
亦誣乎竊人之財猶謂之盜況貪夫之功以為己  
力乎下義其罪上賞其姦上下相蒙難與處矣其  
母曰盍亦求之以死誰慙對曰尤而效之罪又甚  
焉且出怨言不食其食其母曰亦使知之若何對  
曰言身之文也身將隱焉用文之是求顯也其母  
曰能如是乎與女偕隱遂隱而死晉侯求之不獲  
以繇上為之田曰以志吾過且旌善人以之推之  
賢也而名不廁於五人之內以成季之讓也而不  
揚之推於三德之間以文公之厚也親師又叔而  
離人而之推獨無與為明諺曰硤硤易缺皦皦易  
污具介之推之謂與

然則展禽高尚者乎曰亦可謂厚終者矣魯無難  
事則熙展禽也有難事則眾與展禽也問有但之

事則展禽賤也問無位之事則展禽貴也齊孝公  
伐我北鄙公使展喜犒師使受命于展禽齊侯未  
入竟展喜從之曰寡君聞君親舉玉趾將辱於敝  
邑使下臣犒執事齊侯曰魯人恐乎對曰小人恐  
矣君子則否齊侯曰室如懸磬野無青草何恃而  
不恐對曰恃先王之命昔周公太公股肱周室夾  
輔成王成王勞之而賜之盟曰世世子孫無相害  
也載在盟府太師職之桓公是以糾合諸侯而謀  
其不協彌縫其闕而匡救其災昭舊職也及君即  
位諸侯望曰其率桓之功我敝邑用不敢保聚曰  
豈其嗣世九年而棄命廢職若先君何君必不然  
恃此以不恐齊侯乃還異日有以饋鼎焉季子之  
言者季子不諾也季子有事則不辟難有位則不  
避賤終其身無可得志者而每多終事之慮故季  
子所謂厚終者也



然則燭之武可謂高尚者乎曰亦可謂熟慮者矣  
晉侯秦伯之圍鄭討其無禮且貳於楚也晉軍函  
陵秦軍汜南佚之狐言於鄭伯曰國危矣若使燭  
之武見秦君師必退公從之辭曰臣之壯也猶不  
如人今老矣無能為也已公曰吾早不能用子今  
急而求子是寡人之過也然鄭亡子亦有不利用焉  
許之夜縋而出見秦伯曰秦晉圍鄭鄭既知亡矣  
若亡鄭而有益於君敢以煩執事越國以鄙遠君  
知其難也焉用亡鄭以陪隣隣之厚君之薄也若  
舍鄭以為東道主行李之往來共其乏困君亦無  
所害且君嘗為晉君賜矣許君焦瑕朝濟而夕設  
版焉君之所知也夫晉何厭之有既東封鄭又欲  
肆其西封若不闕秦將焉取之闕秦以利晉唯君  
圖之秦伯說與鄭人盟使杞子逢孫楊孫戍之而  
還是燭之武之不辟難也不辭賤也垂老在下位  
紓國家之急而不尸其功夫非熟慮而能如此乎

故介之推展季燭之武者殊行異功其不薄於國  
家之事則一也然則誰為高尚者其唯吳季子乎

襄公二十有九年吳子使札來聘

公羊子曰吳無君大夫此何以有君大夫賢季子  
也何賢乎季子讓國也其讓國奈何謂也餘祭也  
夷昧也與季子同母者四季子弱而才兄弟皆愛  
之同欲立之以為君謂曰今若是迕而與季子國  
季子猶不受也請無與子而與弟兄弟迭為君而  
致國乎季子皆曰諾故諸為君者皆輕死為勇飲  
食必祝曰天苟有吳國尚速有悔於子身故謂也  
死餘祭也立餘祭也死夷昧也立夷昧也死則國  
宜之季子者也季子使而亡焉僚者庶長也即之  
季子使而反至而君之耳閻廬曰先君之所不與  
子國而與弟者凡為季子故也將從先君之命與  
則國宜之季子者也如不從先君之命與則我宜

立者也僚惡得為君子於是使專諸刺僚而致國  
乎季子季子不受曰爾弑吾君吾受爾國是吾與  
爾為篡也爾殺吾兄吾又殺爾是父子兄弟相殺  
終身無已也去之延陵終身不入吳國故君子以  
其不受為義以其不殺為仁賢季子則何以有君  
有大夫以季子為臣則宜有君者也札者何吳季  
子之名也春秋賢者不名此何以名許夷狄者不  
壹而足也季子者所賢也曷為不足乎季子許人  
臣者必使臣許人子者必使子也公羊子之論臣  
子則知春秋之義者矣春秋之義不貴書弟與公  
子也書季則疑於弟者也驟進之使得為人臣使  
得為人子雖比於楚椒秦術無所不可也然則季  
子聘國中變季子不慎慮歟慮與曰季子固慮之  
熟也秦伯仲雍之事不可復為子期子閭之情無  
所復用吳之為僚光者正未有已也吾不以身醜  
亂得再世底定所藉多矣季子躬耕延陵隱不辭

賤期願救陳出不辟難夫非慎慮熟慮能使子弟  
再變不顧其宗不撓其身夙往夙復坦然無咎者  
乎故季子者所謂幹蠱而終以高尚者也季子來  
聘見叔孫穆子說之謂穆子曰子其不得死乎好  
善而不能擇人君子務在擇人吾子為魯宗卿而  
任其大政不慎舉何以堪之既必及子遂聘於齊  
說晏平仲謂之曰子速納邑與政無邑與政乃免  
於難齊國之政將有所歸未獲所歸難未歇也故  
晏子因陳桓子納政與邑是以免於樂高之難聘  
於鄭見子產如舊相識與之縞帶子產獻紵衣焉  
謂子產曰鄭之執政侈難將至矣政必及子子為  
政慎之以禮不然鄭國將敗適衛說蘧瑗史狗史  
緇公子荆公叔發公子朝曰衛多君子未有患也自衛  
如晉將宿於戚聞鐘聲焉曰異哉吾聞之也辨而不德  
必加於戮夫子獲罪於君以此懼猶不足而又  
何樂夫子之在此也猶燕之巢於幕上君又在殯

而可樂乎遂去之文子聞之終身不聽琴瑟適晉  
說趙文子韓宣子魏獻子曰晉國其萃於三族乎  
說叔向謂叔向曰吾子勉之君侈而多良大夫皆  
富政將在家吾子好直必思自免於患以季子之  
慎慮熟慮一至於此也蓋季子聘歸十八載夷昧  
始卒又十三載始有專諸之駝季子之所匡持久  
矣所慎慮之熟矣所圖終者厚矣哉君之駝何國  
蔑有欲以五六十載亂始正終無水霜之露非聖  
人而能之乎然則季子熟慮不知越之滅吳何也  
曰越多君子吳無君子焉君子慮國終事而退不  
悔其身不辱其親而已夫顓

頊失農之後今猶幾存者乎

邵雍曰任天下之事易死天下之事難死天下之  
事易成天下之事難苟成之又何計乎死與生也  
如其不成雖死奚益況具有正與不正乎與其死  
於不正孰若生於正與具有生於不正孰若死於正

往忠智者之一擇焉死固可惜貴乎成天下之事也如敗天下之事一死何以塞責生固可愛貴乎成天下之事也如敗天下之事一死何以塞責生固可愛貴乎成天下之事也如敗天下之事一死何以塞責生固可愛貴乎

成天下之事也如敗天下之事一死何以塞責生固可愛貴乎成天下之事也如敗天下之事一死何以塞責生固可愛貴乎

公僖元年冬十月壬午公子友帥師敗莒師于鄆獲莒

拏

十有二月丁巳夫人氏之喪至自齊

公子友敗莒師討慶父之黨也夫人去姜謂其與乎亂也夫人殺二子慶父弒二君齊桓公魯季友執義而討之春秋不殁其事而大其功如使桎之會不書齊侯鄆之獲不大季友則梁公可與也桎之

之會既書齊侯酈之獲既大季友則是春秋不與  
梁公也然則世無齊侯季友者衰姜又方執命如  
之何曰熟慮而從之終事而退春秋之義也慮之  
不熟終之不退則是春秋之所誅也然則莊公之  
時文姜生存二十一載公子慶父公子結皆著名  
不刪而於文姜無討者何也曰文姜非弑桓公者  
也魯既寬齊則不得嚴於文姜公子溺之會齊師  
而去其公子故使春秋書仁傑則必去仁傑之官  
五臣之從又公十九載而反晉國義士猶或非之  
又況其他者乎然則呂夷簡呂好問可謂熟慮者  
乎曰亦可謂慎慮者矣夷簡之黜母后好問之汚  
偽官可謂慎慮乎曰夷簡處易好問處難幹蠱之  
義蓋猶未之學也  
而況於高尚者乎

## 順命章第二十八

子曰唯天子受命于天士受命于君故君命順則臣有  
順命君命逆則臣有逆命詩曰鵲之姜姜鶉之賁賁人  
之無良我以為君

此言夫春秋之以天治王以王治天下者也諸侯  
不順於王則大夫不順於諸侯家臣不順於大夫  
君臣之義動相倣也諸侯曰君大夫曰主士三世  
仕於大夫則曰主君諸侯大夫士皆受於天子天  
子所不誅殺諸侯不得而誅殺之也楚者僭亂之  
國也八殺其大夫宜申公子側公子申王夫追舒  
成熊子比卻宛也然而春秋皆不許殺之曰雖不  
命于天子亦皆有天子之義存焉宋者先世之後  
也三殺其大夫或名或不名春秋皆不許其私刑  
故春秋之義以謂諸侯敢叛天子則必自專殺大



夫始矣諸侯專殺大夫大夫專殺士士大夫不得以禮義與諸侯相正則相率為逆命之事故諸侯盟王人則大夫盟諸侯家臣盟大夫積漸所底不可復挽也然則天下之制命者唯天子獨也天王殺其弟佖夫春秋猶起而正之何也曰春秋者天也以天正王猶以春正正月也故有正春者必無亂秋春秋之義正則四時之氣序四時之氣序則萬物之性理萬物之性理而後帝天之命可得而見矣

公隱二年春公會戎于潛

秋八月公及戎盟于唐

四年秋翬帥師會宋公陳侯蔡人衛人伐鄭

會戎者何疏天子也伐鄭者何黨州吁也會戎而  
又盟之於是數年戎伐天子之使魯不敢問則是  
魯與戎者也州吁弑君不討其罪而復從之伐鄭  
於是數年公子翬弑君宋陳蔡衛無有討者則是  
隱與州吁者也隱與戎則不能禁翬之不為戎隱  
與州吁則不能禁翬之不為州吁詩曰爾之遠矣  
民胥然矣爾之教矣民胥傲矣隱公與公子翬之  
謂也夫隱公未為不順也瑕疻生于中而奸慝應  
之易曰履霜堅冰至蓋言順也順之者吉  
逆之者凶順逆之間辨之不可不蚤也

公莊

二年夏公子慶父帥師伐於餘丘

六年春王正月壬子突救衛

秋公至自伐衛

輦而帥師不書公子慶父帥師而書公子夫謂共仲賢於羽父者與其仲之賢受之羽父者也隱公寵羽父以殺其身莊公寵共仲以殺其子夫謂共仲受之羽父者與受之於莊公也莊公抗王命以納衛朔衛朔逐公子黔年而放之於周春秋以救衛與子突以伐衛討莊公若此其順也朔殺兩兄而抗天子猶得以用四國之師則慶父殺兩君以要入國亦可以免天子之討矣故慶父之不順莊公之力也莊公忘讎以事大國慶父恃援以弑二君故歲之盟與餘丘之伐兩者共為知命也

文公

八年十月乙酉公子遂會雒戎盟于暴

十有六年六月戊辰公子遂及齊侯盟于鄆丘

十有七年夏齊侯伐我西鄙六月癸未公及齊侯

盟于穀

是仲遂也受之慶父者也仲遂以立君之貴援也齊舍無援見穀於商人叔姬無援見執於齊國使立國有援雖弑為之無害耳以商人之惡外不得於閭郕內不得於公子元是猶之宴藪也而汲汲焉與之盟不得於陽穀而賂之於鄭丘幾失之鄭丘而又尋盟之於穀仲遂必曰是大國之可畏也身殺其君執其國母汚天子之使辱宗國之女而莫之敵圍也誠得大國之援身為商人甘心耳故穀亦及視衆仲之志也立宣公以安敬嬴季孫行父之志也衆仲之於羽父行父之於季友偶似之也夫使文公有討商人之心行父有師季友之志而襄仲敢肆焉如此乎齊舍之立五月而書曰弑君子赤之立九月而書曰子卒誠痛之也誠哀之也夫謂文公所貽燕者若此也無它衆援之故

也詩曰乃如之人也懷昏姻也大無信  
也不知命也其仲遂季孫行父之謂與

昭公  
八年秋蒐于紅

十一年五月甲申夫人歸氏薨大蒐于比蒲

二十二年

春大蒐  
于昌閭

定公  
八年冬從祀先公盜竊寶玉大弓

是三家也魯地不加廣而賦日益重紅之蒐自根  
牟至于商衛革車千乘於是侈其介士比歲耀兵  
十年秋三家伐莒平子取鄭始獻俘用人于亳社  
十一年夏五國有大喪而大蒐于比蒲內蔑君臣  
以外挾東夷其意以為邾莒見屬則齊晉比大侈  
然有三晉革命之心曾未一年而南蒯畔費晉人

討卿身執君辱諸大邑家宰各捍主命定公八年  
陽虎竊寶王大弓入於譙陽闕以叛十年侯犯以  
卿叛二卿帥師圍之幾乎不克故曰君命順  
則臣有順命君命逆則臣有逆命是之謂也  
然則天子受命於天其所誅殺無不順者僭指之  
難安於五子而書曰天王殺其弟佞夫何也曰常  
棣之詩所為先覺也周室之難蓋多於其兄弟焉  
非獨周室天下之有權位者同同雙雙則皆常棣  
也鄭之有忽突衛之有伋弟之命受於天先後之  
執皆無所去取以示夫兄弟之命受於天先後之  
命受於王非夫有  
衆所得共亂也

公稟

三十年夏天王殺其弟佞夫

公昭

元年夏秦伯之弟鍼出奔晉

秋莒去疾自齊入于莒莒展與出奔吳

莒之細也。不得比於衛鄭。自兄弟視之。則無以異於齊秦也。天王殺其弟而秦鍼奔晉。則不殺者是也。展與不殺去疾而去疾復入莒。則殺之者是也。殺不殺皆為利祿也。非為兄弟。自天視之。則自管蔡而隱桓自隱桓而糾白自糾白而衍剽突忽無以異於齊之視魯。魯之視莒也。故春秋書曰。天王殺其弟佖。夫使周公見之。亦為之動色也。然則莊王放王子克於燕。是乎曰是也。賢於衛之放黔牟者也。

公昭

二十有六年冬十月天王入于成周尹氏召伯毛

伯以王子朝奔楚

公定

十年冬宋公之弟辰暨仲佗石彊出奔陳

十有一年春宋公之弟辰及仲佗石彊公子地自

陳入于蕭以叛

十四年秋宋公之弟辰自蕭來奔

佗夫得以稱弟王子朝不得以稱兄諸侯之兄窮於衛繫諸侯之弟窮於宋辰宋辰以無罪出奔雖入蕭奔魯猶書曰宋公之弟陳黃以無罪出奔雖奔楚復入亦書曰陳侯之弟故謂諸侯之尊絕屬者過也天子受命于天詛不得以伯叔兄弟繫於天子然天子之稱同姓必曰伯父叔父故天子得以伯父叔父履幃同姓同姓不得以伯父叔父差以伯父叔父履幃同姓同姓不得以伯父叔父差等天子然則春秋之重言兄弟者何也曰兄弟者五倫之綱紀也兄弟定而君臣不爭兄弟定而父子式序兄弟定而夫婦不亂兄弟定而朋友攸攝自王子克王子頽叔帶子朝以來之皆兄弟也故春秋所書十一兄弟不及吳楚而吳楚交恭有子



期子閭餘祭夷昧是春秋之所傷也故春秋之所  
隱痛不一而足也然則君命逆則臣有逆命不為  
共世子伋齊楚太子建而發與抑為孟文伯之不  
弛宅申無字之執閭人發與曰春秋之義不一而  
足也取其可以為訓者曰自天子而下春秋皆得  
以天治之耳仰雍曰天與人相為表裏天有陰陽  
人有邪正君擇臣臣擇君繫乎人者也君得臣臣  
得君非繫乎人也繫乎天者也知其所繫乎天者  
以各正其命雖君不得而繫之矣是伊尹周公之  
道非後世所得而與也然則春秋之道大於伊尹  
周公乎曰春秋天也  
何伊尹周公之有

### 淡成章第二十九

子曰君子不以辭盡人故天下有道則行有枝葉天下

無道則辭有枝葉是故君子於有喪者之側不能賻焉  
則不問其所費於有病者之側不能饋焉則不問其所  
欲有客不能館則不問其所舍故君子之接如水小人  
之接如醴君子淡以成小人甘以壞小雅曰盜言孔甘  
亂是用餗

是謂齊魯晉鄭之事與齊之夸詐晉之貪賂枝葉  
甘醴之所從生也鄭則有辭而魯無辭焉魯衛之  
君子其猶尚質者與子家羈之質又不如甯武子  
之文也夫如子猶士缺之言則謂之盜言也矣

公昭  
二十有五年齊侯唁公于野井

左氏曰公孫于齊次于陽州齊侯唁公于野井禮也將求于人則先下之禮之善物也齊侯曰自莒疆以西請致千社以待君命寡人將帥敝賦以從執事唯命是聽君之憂寡人之憂也公喜于家子曰天祿不再天若祚君不過周公以魯足矣失魯而以千社為臣誰與之立且齊君無信不如蚤之晉弗從晉亦以是不力於公公羊子曰齊侯唁公于野井曰奈何君棄魯國之社稷昭公曰喪人不佞失守魯之社稷執事以羞再拜願慶子家駒曰慶子免君於大難矣子家駒曰臣不佞陷君于大難君不忍加之鈇鎖賜之以死再拜願高子執簞食與四脰脯國子執壺漿曰吾寡君聞君在外餒饑未就敢致糗于從者昭公曰君不忘吾先君延及喪人錫之以大禮再拜稽首以社受高子曰有夫不祥君無所辱大禮昭公益祭而不嘗景公曰寡人有不腆先君之服未之敢服有不腆先君之

器未之敢用敢以請昭公曰喪人不佞失守魯之社稷執事以羞敢辱大禮敢辭齊侯再致之昭公曰以吾宗廟之在魯也有先君之服未能以之服有先君之器未能以之出敢固辭齊侯三致之昭公曰喪人其何稱景公曰孰君而無稱昭公於是嗷然而哭諸大夫皆哭以人為蓄以帑為席以鞍為几以遇禮相見孔子曰其禮與其辭足觀矣是所謂枝葉之辭也

昭公

二十有六年夏公圍成秋公會齊侯莒子邾子杞

伯盟于鄆陵

齊侯不圍成而使公圍成則無為貴盟矣子猶受貨於季氏言於齊侯曰羣臣不盡力于魯君者非不能事君也然據有異焉宋元公為魯君如晉卒于曲棘叔孫婁求納其君無疾而死不知天之棄

魯耶抑魯君有罪於鬼神故及此也君若待於曲  
棘使羣臣從魯君以卜焉若可師有濟也君而繼  
之若其無成君無辱焉齊侯從之使公子鉏帥師  
從公魯成備而後告戰于炊鼻猶之戲也是秋乃  
盟于鄆陵三小國者之視齊師亦無所寘其橐韃  
矣故鄆陵之盟亦猶之扈也扈則所謂盜言也

公昭

二十有七年秋晉士鞅宋樂祁犁衛北宮喜曹人

邾人滕人會于扈

左氏曰秋會于扈令戌周且謀納公也宋衛皆利  
納公固請之范獻子取貨於季孫謂司城子梁與  
北宮貞子曰季孫未知其罪而君伐之請囚請亡  
于是乎不獲君又弗克而自出也夫豈無備而能  
出君乎季氏之復天救之也休公徒之怒而啓叔  
孫之心不戢豈其伐人而說甲執冰以游叔孫懼

既之濫而自同於季氏天之道也魯君守齊三年而無成季氏甚得其民淮夷與之有十年之備有齊楚之援有天之贊有民之助有堅守之心有列國之權而不敢宣也事君如在國故鞅以為難二子皆圖國者也欲納魯君鞅之願也請從二子以圖魯無成死之二子懼皆死乃解小國而以難復甚矣士鞅之辭小國也安得此枝葉之言而稱之

公昭

二十有九年春齊侯使高張來唁公

三十有一年春季孫意如會晉荀躒于適歷

夏晉侯使荀躒唁公于乾侯

晉侯將以師納公范獻子曰若名季孫而不來則信不臣矣然後伐之若何因使告季孫曰子必來

我受其死答季孫乃會荀躒于適歷荀躒曰寡君  
使躒謂吾子何故出君有君不事周有常刑子其  
圖之季孫練冠麻衣跣行伏而對曰事君臣之所  
不得也敢逃刑命君若以臣為有罪請囚於費以  
待君之察也亦唯君若以先臣之故不絕季氏而  
賜之死若弗殺弗亡君之惠也死且不朽若得從  
君而歸則固臣之願也敢有異心夏四月季孫從  
知伯如乾侯子家子曰君與之歸一慙之不忍而  
終身慙乎公曰諾衆曰在一言矣君必逐之荀躒  
以晉侯之命唁公且曰寡君以君命討於意如意  
如不敢逃死君其入也公曰君惠顧先君之好施  
及亡人將使歸葬除宗祧以事君則不能見夫人  
已所能見夫人者有如河荀躒掩耳而走曰寡君  
其罪之恐敢與知魯國之難臣請復於寡君退而  
謂季孫君怒未怠子姑歸祭子家子曰君以一乘  
入于魯師季孫必與君歸公欲從之從者荀公不

得歸公是以歿于乾侯荀躒之甘言其猶愈于范  
鞅者與曰皆盜言也君怒未怠子姑歸祭祭者主  
鬯之事也使意如主鬯則公終不復也然則意如  
之請囚請逃從之不亦紆亂乎曰是亦所謂盜言如  
也公之在乾侯平子每歲賈馬具從者之衣服而  
歸之于乾侯公執歸馬者賣之乃不歸馬衛侯來  
獻其乘馬曰啓服璽而死公將為之櫝子家子曰  
從者病矣請以食之乃以幃褰之公賜公衍羔裘  
使獻龍輔于齊侯遂入羔裘齊侯喜與之陽穀然  
則齊之甘言其猶愈於晉者與曰晉盟主也齊非  
盟主也齊得以納公猶必取之晉齊不得納公則  
必晉是視也高張之唁公稱曰主君齊侯之事公  
欲使內主也則是初不納公也然則子家羈之不  
使於晉何也曰晉之政在於六卿六卿之政在於  
士鞅始出而歸晉則季之賂未入季之賂未入則  
魯得與晉爭義季之賂已入則魯不得與晉爭利



也方在野井臧昭伯率從者將盟載書曰戮力一心好惡同之信罪之有無縫縫從公無通外內以公命示子家子家子曰如此吾不可以盟羈也不佞不能與二三子同心或欲通內外或欲去君而以爲皆有罪二三子好亡惡定焉可同也通外內而去君將速入陷君于難罪孰大焉弗通何爲乃不與盟然則子家子之不通外內何也曰公違之公徒守之請入晉不可請待命於晉竟不可請乘馬以入魯師不可公徒皆盜也而公信之詩曰君子信盜亂是用暴然則春秋之惡盜言爲惡季孫乎惡齊晉乎曰惡齊晉也君子問欲則就饋問舍則就館以同盟之君播越七年而敝屣棄之莫之省視使高張士鞅荀躒之徒以甘言取貨其間是藁之不君也以視桓公乘馬三百以立衛侯夫以彼爲如水者乎

昭公

十有一年夏四月丁巳楚子虔誘蔡侯般殺之於

申楚公子棄疾帥師圍蔡

楚子在申召蔡靈侯靈侯將往蔡大夫曰王貪而無信唯蔡于憾今幣重而言甘誘我也不如無往蔡侯不可三月丙申楚子伏甲而饗蔡侯醉而執之夏四月丁巳殺之刑其士七十人於是棄疾帥師圍蔡韓宣子問於叔向曰楚其克乎對曰克哉蔡侯獲罪於其君而不能其民天將假手於楚以斃之何故不克然胥聞之不信以幸不可再也楚子奉義以討於陳曰將定而國陳人聽命而遂縣之今又誘蔡而殺其君以圖其國雖幸而克必受其咎弗能久矣祭克有緡以喪其國紂克東夷而損其身楚小位卑而亟暴於二王能無咎乎天之假助不善非祚之也厚其克惡而降之罰也譬之

如天五材盡用是以無極詩曰枝葉未有害本實先撥是之謂乎

哀公四年夏晉人執戎蠻子赤歸于楚

楚人既克夷虎乃謀北方為一昔之期襲梁及霍  
圖蠻氏潰蠻子赤奔晉陰地楚司馬起狄戎以臨  
上雄使謂陰地大夫士蔑曰晉楚有盟好惡同之  
若將不廢寡君之願也不然將通于少習以聽命  
士蔑請于趙孟趙孟曰晉國未寧安能惡于楚必  
速與之士蔑乃致九州之戎將裂田以與蠻子而  
城之且將為之卜蠻子聽卜遂執之與其五大夫  
以弔楚師于三戶楚司馬致邑立宗焉以誘其遺  
民遂盡俘以歸趙孟之誘戎子猶楚子之誘蔡侯  
也楚子之誘蔡侯為之書月書日書人書地至於  
晉而略矣晉之不稱誘執以為倣楚者也倣楚而  
歸於楚猶其歸惡於楚也惜乎戎蠻子之無重賂

欽定四庫全書

卷二

於晉也有重賂於晉則汴江  
奔命者未暇為少習之致也

卽雍曰天下將治則人必尚行也天下將亂則人  
必尚言也尚行則篤實之風行焉尚言則詭譎之

風行焉天下將治則人必尚義也天下將亂則人  
必尚利也尚義則謙讓之風行焉尚利則攘奪之

風行焉三王尚行者也五霸尚言者也尚行者必  
入於義也尚言者必入於利也義利之相去何若

遠也夫五霸之若桓公猶為尚行也滅譚滅遂未  
有盜言降鄆還陽未有盜行蓋至於伐原示信而

後盜名也哉則後世之盜名者亦皆盜言乎曰皆

盜言也盜言必甘正行必淡旬詩書枝葉而外得  
其原本者其惟徐積陳師道孔叅劉宰之

流乎其行靜而深其為學也質而不誦  
作忠章第三十

子曰君子不以口譽人則民作忠故君子問人之寒則  
衣之問人之饑則食之稱人之善則爵之國風曰心之  
憂矣於我歸說

若是乎君子之惡蔽賢也惡知賢而不舉惡舉賢  
而不先也孫叔敖教百里奚之用於秦楚亦善舉也  
而不著於春秋其著於春秋者唯管仲卻缺耳桓  
公自莒反於齊使鮑叔為宰辭曰臣君之庸臣也  
君加惠於臣使不凍餒則是君之賜也若必治國  
家者則管夷吾乎臣之所不若夷吾者五寬惠柔  
民弗若也治國家不失其柄弗若也忠信可結於  
百姓弗若也制禮義可法於四方不若也執枹馘  
立于軍門使百姓加勇焉弗若也桓公曰夫管夷  
吾射寡人中鈞是以瀕於死鮑叔對曰夫為其君

動也君若宥而反之夫亦猶是也乃請於魯欲生  
得而戮之莊公束縛以與齊齊使受而退比至三  
轡三浴之桓公親迎之於郊授之以政立為仲父  
臼季使舍於冀野冀缺耦其妻饁之敬相待如賓  
從而問之冀芮之子也與之歸既復命而進之曰  
臣得賢人當以告文公曰其父有辜可乎對曰國  
之良也滅其前惡是故舜之刑也姪鯀其舉也興  
禹今君之所聞也齊桓公親舉管敬仲其賊也公  
曰子何以知其賢也對曰臣見其不忘敬也夫敬  
德之恪也恪於德以臨事其何不濟康誥曰父不  
慈子不祗兄不友弟不共不相及也詩曰采芣采  
菲無以下體君取節焉可也文公乃以缺為下軍  
大夫世之進賢如鮑叔曰季者則亦鮮矣管仲與  
卻缺皆離也而負其才德以處於野即潛光匿影  
猶恐不保也而舉者不以為嫌用者不以為疑故

二公之霸亦皆有舜禹之義  
焉非鮑叔白季則不及此也

然則鮑叔舉管仲而管仲所舉不見於春秋何也  
曰管仲所舉不如管仲者也管仲相三日而定政  
三月而論百官曰升降揖讓進退習閑辨辭之剛  
柔臣不如隰朋請立為大行壻草辟土聚粟衆多  
盡地之利臣不如甯戚請立為大司田平原廣牧  
車不結轍鼓之而三軍之士不旋踵視死如歸臣  
不如王子城父請立為司馬決獄折中不殺不辜  
不誣無罪臣不如賓胥無請立為大司理犯君顏  
色進諫必忠不避死亡不撓富貴臣不如東郭牙  
請立以為大諫此五臣者亦皆賢人也而才不如  
管仲故管仲雖授之官猶之口譽之也成季之所  
薦狐偃先且居箕鄭胥嬰先都欒枝先軫胥臣皆  
才亞於趙衰也故趙衰之名獨著於春秋然則齊  
無賢與曰以齊之大何為其無賢也管子之制內

政也正月之朔鄉長復事君親問焉曰於子之鄉  
有居處好學慈孝於父母聰慧質仁發聞於鄉里  
者有則以告有而不以告者謂之蔽明其罪五有  
司已於事而竣又親問焉曰於子之鄉有孝弟股  
肱之力秀出於衆者有則以告有而不以告謂之  
蔽賢其罪五有司已於事而竣又親問焉曰於子  
之鄉有不慈孝於父母不長弟於鄉里驕躁淫暴  
不用上令者有則以告有而不以告謂之下比其  
罪五五屬大夫復事公之問之亦猶是也夫桓公  
豈以口譽人者乎何其無舉賢之名也桓公而外  
惟晉悼  
公乎

悼公之知人也知人而能用人也初朝於武宮定  
百事立百官有門子選賢良興舊族薦積德振淹  
滯年過七十者公親見之稱曰王父王父不敢不  
承既即位乃使呂宣子佐下軍曰邲之役呂錡佐



知莊子於上軍獲楚公子穀臣與連尹襄老以  
子羽駢之役親射楚王而敗其師以定晉國而無  
後其子孫不可不崇也使羸恭子將新軍曰武子  
之季文子之母弟也武子宣法以定晉國文子勤  
身以定諸侯二三子之德其可忘乎故以羸季  
其宗使令狐文子佐之曰昔克潞之役秦來圖敗  
晉功魏顓以其身卻秦師於輔民親止杜回其勲  
銘於景鐘至於今不有其子不可不興也左氏又  
曰君知士貞子之帥志博聞而宣惠於教也使  
大傅知右行辛之能以數宣物定功也使為司  
知樂糾之能御以和於政也使為戎御知荀賓之  
有力而不暴也使為戎右樂伯請公族大夫公曰  
荀家悼惠荀檜文敏廣也果敢無忌鎮靖使人  
者為之夫齊梁之性難正也故使悼惠者教之使  
文敏者道之使果敢者論之使鎮靜者修之悼惠  
者教之則偏而不倦文敏者道之則婉而入果敢

者論之則過不隱鎮靜者修之則壹茲四人者為  
公族大夫知祁奚之果而不淫也使為元尉知羊  
舌職之聰敏肅給也使佐之知魏絳之勇而不亂  
也使為元司馬知張老之知而不詐也使為元侯  
知鐸過魁之恭敬而信彊也使為與尉知籍偃之  
敦率舊職也使為與司馬知程鄭之端而不淫好  
諫而不隱也使為贊僕始合諸侯於虛打以救宋  
使張老延譽於四方以觀道逆呂宣子卒以趙文  
子為文也而能恤大事使佐新軍故如悼公之知  
人也雖虞廷之弼諧矣過焉使其乘昌時食醇氣  
與太上主臣雖奏雲門而和咸池未為不可也  
故如齊桓公晉悼公者亦可謂能作忠者矣  
然則祁奚晏嬰不足以與於此乎曰祁奚舉其子  
則不得不舉其讎春秋之世公族為政子弟翹秀  
生為卿大夫所貴舉賢者為揚側陋也為深寒列  
也午也而賢不俟祁奚之舉之也晏嬰之食客四

公子之引也稱其大良止於越石父無一士馬以  
正樂高陳鮑之難夫猶託名於衆而取譽於人者  
也張載曰君子之於天下達善達不善循理者共  
悅之不循理者共攻之是不如揚善隱惡之約也  
善可達不善不可達達善達不善則亂矣君子聞  
過則如恐傷人見賢則如恐不及世之小人舉劣  
以彰其巧舉昏以表其智若李林甫之薦陳希烈  
呂夷簡之薦張士遜是也以口譽人猶賢乎已  
諾責章第三十一

子曰口惠而實不至怨菑及其身是故君子與其有諾  
責也寧有已怨國風曰言笑晏晏信誓旦旦不思其反  
反是不思亦已焉哉

是猶為鄆陵之盟與曰猶為鄆陵之盟也春秋之  
哀宗國責諸侯不一而足也齊桓公大會十五通  
盟者十未有朝舉而暮渝之者也鄆陵之舉勤五  
國之兵而驟散于士鞅之一言是亦不思矣天道  
旋復物極乃反吳梁而後大夫專制六卿之主降  
為家人蓋亦有告於齊告於魯而莫適與謀者范  
中行知氏則亦猶是也范蠡先譎而蠡先亡晉蠡  
先裂齊亦次之故怨蓄之至則自扈鄆陵始也亦  
自扈鄆陵而終矣然則鄆陵之敗盟何始之曰自  
蒲之盟始也蒲而後夷儀夷儀而後澶淵厥慙平  
丘乃衰矣蒲之責歸田澶淵之遺宋  
饋口惠而實不至是春秋之所譏也

成公

八年春晉侯使韓穿來言汶陽之田歸之于齊

九年春公會晉侯齊侯宋公衛侯鄭伯曹伯莒子

# 杞伯同盟于蒲

汶陽之田分齊田也濟西之田齊以歸魯而汶陽  
之田魯不歸齊魯亦未為得也然已賀戰勝矣晉  
與之而晉奪之則是魯不制也且是魯之故田也  
無取於齊而晉藉手焉韓穿之歸季文子餞之私  
曰大國制義以為盟主是以諸侯懷德畏討無有  
貳心謂汶陽之田敝邑之舊也而用師于齊使歸  
諸敝邑今有貳命曰歸諸齊信以行義義以成命  
小國所望而懷也信不可知義無所立四方諸侯  
其誰不解體詩曰女也不爽士貳其行士也罔極  
二三其德七年之中一與一奪二三孰甚焉士之  
二三猶喪妃耦而況霸主將德是以而二三  
之何以長有諸侯乎詩曰猶之未遠是用大諫行  
父懼晉之不遠猶而失諸侯也是以敢私陳之明  
年諸侯將貳于晉晉人懼乃會于蒲以尋馬陵之

盟季文子謂范文子曰德則不競尋盟何為范文子曰勤以撫之寬以待之堅彊以御之明神以要之柔服而代歲德之次也夫范文子猶有信誓之思乎易曰中孚信也信者反之復之而皆中孚也信不可反反不可復亦無為貴信矣是行也將始會吳而吳人不至故唯吳為不與語信也

襄公

二十有五年夏公會晉侯宋公衛侯鄭伯曹伯莒

子邾子滕子薛伯杞伯小邾子于夷儀

秋八月己巳諸侯同盟于重丘

夷儀之役於是再會矣晉將報齊朝歌之役而再勤諸侯濟自泮會于夷儀齊人以莊公之弑為晉報也使隰鉏請成慶封如師男女以班賂晉侯以宗器樂器有六正五吏三十師三軍之大夫百官

之長正師旅及處守者皆有賂晉侯許之使叔向  
告於諸侯公使子服惠伯對曰君舍有罪以靖小  
國君之患也寡君聞命矣於是將納衛侯也同盟  
於重丘趙武念諸侯之勤也令薄諸侯之幣而重  
其禮穆叔見之謂穆叔曰自今以往兵其少弭矣  
齊崔慶新得政將求善於諸侯武也知楚令尹若  
敬行其禮道之以文解兵其可以弭是可為嘉盟  
矣而君子謂之旦旦何也前年八月夷儀方會阻  
水而反今茲再會齊復執君舍賊不討而納賂以  
勤諸侯將為同盟奚辭乎以伐齊則不討淮行以  
納衛則不討孫林父而欲以弭兵謝天下之諸侯  
是亦所謂口惠也盟主費其口惠諸侯喪其實賦  
大義不章而賄賂  
公行亦自是始也

襄公  
三十年冬晉人齊人宋人衛人鄭人曹人莒人邾

人滕人薛人杞人小邾人會于澶淵宋災故

為宋災故諸侯之大夫謀歸宋財冬十月叔孫豹  
會晉趙武齊公孫薑宋向戌衛北宮佗鄭罕虎及  
小邾之大夫會於澶淵既而無歸於宋故不書其  
人君子曰信其不可不慎乎澶淵之會卿不書不  
信也夫諸侯之上卿會而不信寵名皆棄不信之  
不可也如是詩曰文王陟降在帝左右信之謂也  
穀梁子曰會不言所為其曰宋災故何也不言災  
故則無以見其善也其曰人何也救災以舉何救  
馬更宋之所喪敗也澶淵之會中國不侵夷狄夷  
狄不入中國無侵伐者八年晉趙武楚屈建之力  
也然則八年弭兵非向戌之力乎曰向戌何力之  
有剛之所摧者柔也勢之所絀者讓也晉楚爭盟  
天下始兵宋之盟晉以盟主讓於屈建號之會楚  
以舊書加於載牲楚既得志則搏鬪少衰天下之



諸侯亦可以無事矣故八年之弭兵非為存宋之  
故也尊楚之故也存宋而為口惠猶可言也尊楚  
而為喪實不可言也旦旦之信誓何貴焉然則兵  
不可弭與曰武王之建橐則有所以也天下清明  
干戈不試故其詩曰載戢干戈載櫜弓矢我求懿  
德肆于時夏自漢梁而後江漢馮陵吳越始競為  
諸大夫者懿德之不求而以時夏絀於蠻荆宋之  
兩會是不可以己乎故杞宋均肆也杞之不可城  
猶宋之不可霸也宋襄講霸而石鵲著災向戌弭  
兵而漸臺俱燼故祝融者楚之始封也商丘者大  
火之墟也失失相尋其燧旬焚書曰若火之燎原  
不可嚮邇過其尚可撲滅十二國之大夫則皆燎原  
者也燎原無人焉故因而人之然則城杞之不入  
之何也曰城杞細者也澶淵大者也城杞從晉澶  
淵從楚反是不  
思亦已焉哉

昭公

十有一年秋季孫意如會晉韓起齊國弱宋華亥

衛壯宮佗鄭罕虎曹人杞人于厥慙

左氏曰楚師在蔡晉荀吳謂韓宣子曰不能救陳又不能救蔡物無以親晉之不能亦可知矣己為盟主而不卹亡國將安用之秋會于厥慙謀救蔡也鄭子皮將行于產曰行不遠不能救蔡也蔡小而順楚大而不德天將棄蔡以壅楚盛而罰之蔡必亡矣且喪君而能守者鮮矣楚子三年其有咎乎美惡周必復楚子之惡周矣晉人於是使狐父請蔡於楚楚人弗許諸侯乃還夫是所謂口惠而實弗至者乎貫之會江黃來盟及楚滅黃桓公弗救桓公亦所謂口惠者乎曰桓公之時身勤諸侯不以將帥臨於與國內有淮夷之防外有狄衛之患其不得救黃勢也晉以四千乘要十二國倪

首以事楚師邛隣之不能而又請命焉故厥慙之會春秋之所耻也

昭公

十有三年秋公會劉子晉侯齊侯宋公衛侯鄭伯

曹伯莒子邾子滕子薛伯杞伯小邾子于平丘

八月甲戌同盟于平丘公不與盟

先年晉侯之尊齊侯也舉矢分僞齊晉將競於是將尋盟齊人不可晉侯使叔向告劉獻公曰齊人不盟將若何對曰盟以底信君苟有信諸侯不貳何患焉告之以文辭董之以武師雖齊不許君庸多矣天子之老請帥王賦元戎十乘以先啓行於是晉將討齊齊人懼乃請盟叔向曰諸侯有問矣不可以不示衆八月辛未治兵建而不旆壬申復旆諸侯畏之邾人莒人想于晉曰魯朝夕伐我幾

亡矣我之不共魯故之以晉侯不見公使叔向來  
辭曰諸侯將以甲戌盟寡君知不得事君矣請君  
無勤子服惠伯對曰君信蠻夷之訐以絕兄弟之  
國棄周公之後亦唯君寡君聞命矣叔向曰寡君  
有甲車四千乘在雖以無道行之必可畏也況其  
率道何敵之有魯人懼聽命是以外盟而執季孫  
於茗丘夫叔向其有叔魚之心乎德之不務而挾  
王使以示武於宗國其始曰威齊也而繼以討魯  
齊桓之召陵晉文之葵兵晉悼之亳北其所外楚  
以獎王室者豈謂此乎詩曰不思其反反是不思  
叔向之謂也

然則春秋之惡盟誓也自清丘而始乎曰清丘懼  
盟也驚網之魚詛於洳沮負矢之獸誓於原野楚  
既入陳圍鄭敗晉滅蕭使諸侯聚而號盟則已怯  
故使羣大夫盟之曰不得已也夫猶有恤病討貳

之意焉然則衛之敗盟何也曰陳既受兵而宋又伐之衛之救陳未失為恤病也宋之伐陳無救於蕭而衛之救陳未貳於楚晉又從而討衛必殺其大夫衛又從而殺孔達以說於晉故賞罰之失中怒哀之亂節未有甚於清丘者也若夫盟誓之已數口惠之實違十二公之中隱桓為甚故清丘之盟春秋有不暇討也

然則楚敗夏盟而諸大夫之共會師也孰始之乎曰自文公三年伐沈始也沈以蕞爾不與會盟南服於楚則亦已矣而晉連六國之師以入其境而逃其人民於是楚人據情而圖江晉師無力狼淵失鄭厥貉失蔡諸侯始用震盪同盟於新城而陳始入楚卒不可反故新城之盟盟之至正者也而晉以趙盾盟七國之諸侯春秋亦無所取也故春秋之不與盟誓以虞夏正殷周之道也然則隱桓

之間盟誓二十皆無有善者乎曰皆口惠也口惠而實不至神明之所惡也然則隱劣於桓者與十年而九會數殷於桓始於邾儀父則皆未受命也終於浮來則猶之瀆盟也曰隱未正名而正實其盟信於人桓亂實而正名其盟不信於己故自援之會成而天下無會折之盟成而天下無盟春秋之討會盟則必於魯桓始焉如之何其以隱劣於桓也故旦旦之詩亦為魯桓公誦之也

公桓

十有一年秋采會宋公陳侯蔡叔盟于折公會宋

公于夫鍾

冬十有二月公會宋公于闕

十有二年

夏六月壬寅公會杞侯莒子盟于曲池

秋七月丁亥公會宋公燕人盟于穀丘

八月公會宋公于虛

冬十有一月公會宋公于龜丙戌公會鄭伯盟于

武父

十有二月及鄭伯伐宋丁未戰于宋

春秋於是無譏焉其無譏之者何已著也再年之間四盟四會乍信乍僭其所與者皆篡國而爭恃賂而存者華督之立宋馮祭仲之立鄭突羽父之立桓公事有正反罪有差等而要於篡賂則一也濕燥相求歌泣不孚春秋之為盟會者亦大率如此也詩曰言笑晏晏信誓旦旦不思其反反是不

思亦已焉哉。邵雍曰：君子見善則喜，之見不善則疾之；小人見善則疾，之見不善則喜之。善惡各從其類也。君子見善則就之，見不善則遠之；小人見善則遠之，見不善則就之。君子見義則遷，見利則止；小人見義則止，見利則遷。遷義則利人，遷利則害人。利害相去一何遠耶？然且有陽利人而陰以害之，陽喜人而陰以疾之，陽就人而陰以遠之者，口實之與陰陽同病也。若蔡確之於韓維，邢恕之於司馬光，丁謂之於寇準，皆是也。

情辭章第三十二

子曰：君子不以色親，入情疏而貌親；在小人則穿窬之

盜也。與子曰：情欲信，辭欲巧。

巧作考



是猶謂扈與鄆陵者也。聖人之痛宗國不一而足也。是不謂出入三觀居然請隧者與曰晉文之烈何可忘也。城濮鄆陵僅兩事焉。以在後世九錫之命臥而進之何穿窬之有。齊侯特與臧紇田而問伐晉。臧紇曰抑君似鼠夜動而晝伏者也。不處於寢廟而乘人之隙。桓文雖汚猶不伺隙而動也。然則以色列親人情疏而貌親者何謂也。曰亦謂高張范鞅之類也。然則黃父之盟不猶張義者與。曰平丘而後齊不服。晉亦不敢討也。竊義於周曰吾將輸粟於周使齊無以疏於周亦無以疏於晉也。然後致齊而晉司其盟。故晉之戍周輸粟於周皆非為周也。畏齊之覺而代夏盟也。故晉之與齊皆乘楚之昧而游於周之寢廟者也。

昭公

二十有五年夏叔詣會晉趙鞅宋樂大心衛北宮

喜鄭游吉曹人邾人滕人薛人小邾人于黃父

夏會于黃父謀王室也趙簡子令諸侯之大夫輸  
王粟具戍人曰明年將約王王之居於狄泉蓋已  
二年矣二年而後謀之謀又一年而後約之使義  
有堅城嚴鎗而竊之則亦已竊矣然且睥睨而後  
舉之謂夫齊之未來也使齊必不來晉告諸侯建  
旂而問之偵牛伏鼠勢亦已分然且不敢畏夫師  
動而禍生知范中行其勢不靖故逡巡而待之前  
卻而持之取晉則不可伐齊則不敢必欲借周之  
名號以維婁天下之諸侯是趙鞅所為穿窬  
也然則趙鞅之穿窬不賢於世之疆橫者乎

公昭

三十有二年冬仲孫何忌會晉韓不信齊高張宋

仲幾衛世叔申鄭國參曹人莒人薛人杞人小邾

# 人城成周

秋八月王使富辛與石張如晉請城成周天子曰  
天降禍于周俾我兄弟並有亂心以為伯父憂我  
一二親昵甥舅不遑啓處於今十年勤戍五年余  
一人無日忘之閔閔焉如農夫之望歲懼以待時  
伯父若肆大惠復二文之業弛周室之憂微文武  
之福以固盟主宣昭令名則予一人有大願矣昔  
成王合諸侯城成周以為東都崇文德焉今我欲  
假靈于成王修成周之城俾戎人無勤諸侯用寧  
發賊遠屏晉之力也伯父實重圖之俾我一人無  
微怨于百姓而伯父有榮施先王庸之范獻子謂  
魏獻子曰與其戍周不如城之天子實云雖有後  
事晉勿與知可也范獻子可謂穿窬者矣天子方  
藉盟主之力以鞏厥後而獻子欲勿知後事以便  
其身圖情疎而色親意媮而禮悞彼所謂穿窬之

下者也晉氏未裂而  
范荀先亡不其然乎

定公四年三月公會劉子晉侯宋公蔡侯衛侯陳子鄭

伯許男曹伯莒子邾子頓子胡子滕子薛伯杞伯

小邾子齊國夏于召陵侵楚

五月公及諸  
侯盟于臯鼫

劉文公合諸侯于召陵謀伐楚也晉荀寅求貨於  
蔡侯弗得言於范獻子曰國家方危諸侯方貳將  
以襲敵不亦難乎水潦方降疾瘡方起中山不  
服棄盟取怨無損於楚而失中山不如辭蔡侯  
吾自方城以來楚未可以得志祇取勤焉乃辭蔡  
侯夫以諸侯之兵賦王臣之寵靈不足為親也而  
貨賂是親其情不信其辭不考夫有望色而知遠  
者笑古之召陵彰信於諸侯垂橐而入捆載而出

天下皆知桓公之情可信而信可親也是以四十  
二年楚不窺於中原且以執玉沈漢之蔡而可以  
重求乎然則蔡之滅沈可乎曰楚之拘蔡沈子之  
為也文公三年諸侯伐沈而楚遂滅江沈之燭楚  
固已久矣晉不救蔡而蔡始入吳栢舉之戰蔡以  
吳而敗楚春秋之所深與也故春秋不賀戰勝也  
其賀戰勝者三城濮鄢陵栢舉也難父之師亦有  
與色故自蕭魚而後晉之色不如吳之色也吳質  
而易明晉文而難親故召陵  
兩盟春秋戰國之終始也

臯鼫之盟衛子行敬子言于靈公曰會同難嘖有  
煩言莫之治也其使祝佗從乃使子魚子魚辭曰  
臣展四體以率舊職猶懼不給而煩刑書若又共  
二徵大罪也且夫祝社稷之常隸也社稷不動祝  
不出竟官之制也君以軍行祓社釁鼓祝奉以從  
于是乎出竟若嘉好之事君行祓師從鄉行旅從臣

無事焉公曰行也及臯鼬將長蔡於衛衛侯使祝  
佗私于萇弘曰聞蔡將先衛信乎萇宏曰蔡叔康  
叔之兄也先衛不亦可乎子魚曰以先王觀之則  
尚德也昔武王克商成王定之選建明德以藩屏  
周故周公相王室以尹天下于周為睦分周公以  
大路大旂夏后氏之璜封父之繁弱殷民六族條  
氏徐氏蕭氏索氏長勺氏尾勺氏使帥其宗氏輯  
其分族將其類醜以法則周公因商奄之民命以  
伯禽而封於少皞之墟分康叔以大路少帛綈菽  
旃旌大呂殷民七族陶氏施氏繁氏錡氏樊氏饑  
氏終葵氏封畛土略自武父以南及圃田之北竟  
取於有閭之土以共王職取于相土之東都以會  
王之東蒐聘季授土陶叔授民命以康誥而封于  
殷墟皆啓以商政疆以周索分唐叔以大路密須  
之鼓闕鞞姑洗懷姓九宗職官五正命以唐誥而  
封于夏墟啓以夏政疆以戎索三者皆叔也而有

欽定四庫全書

表記集傳

卷二

辛九

令德故昭之以分物不然文武成康之伯猶多而不獲是分也唯不尚年也管蔡啓商基間王室王於是乎殺管叔而蔡蔡叔以車七乘徒七十人其子蔡仲改行帥德周公舉之以為已卿士見諸王而命之以蔡其命書云王曰胡毋若爾考之違王命也若之何其使蔡先衛也武王之母弟八人周公為太宰康叔為司寇聃季為司空五叔無官豈尚年哉曹文之昭也晉武之穆也曹為伯甸非尚年也今將尚之是反先王也晉文公為踐土之盟衛成公不在夷叔其母弟也猶先蔡其載書云王若曰晉重魯申衛武蔡甲午鄭捷齊潘宋王臣莒期藏在周府可覆視也吾子欲復文武之略而不正其德將如之何長弘悅告劉子與范獻子謀之乃長衛侯然則長衛侯是乎曰是也晉為盟主而尚於齊齊為盟主而尚於魯何次之有蔡乘是車憤而反轍其後於魯衛不為過也然則春秋之文

蔡嘗先衛踐土之盟鄭先衛子何也曰隱桓之際  
蔡為王卿或合或離以王爵為序踐土之盟叔武

未君春秋進退定之於天當

日載書又安足以知之乎

然則子魚之辭信於情者乎抑信於辭者乎曰皆  
信也而子魚之考不如子產之信也襄公二十

年子產獻陳捷於晉戎服將事晉人問陳之罪對

曰昔虞闕父為周陶正以服事我先王我先王賴

其利器用也與其神明之後也庸以元女大姬配

胡公而封諸陳以備三恪則我周之自出至於今

是賴桓公之亂蔡人欲立其出我先君莊公奉五

父而立之蔡人殺之又與蔡人奉戴厲公至於

莊宣皆我之自五夏氏之亂成公播蕩又我之自

入君所知也今陳忘周之大德蔑我大惠棄我姻

親介恃楚衆以馮陵我敝邑不可億逞我是以有

往年之咎未獲成命則有我東門之役當陳隧者



井堙木刊敵邑大懼不競而耻大姬天誘其衷啓  
敵邑心陳知其罪授手於我用敢獻功晉人曰何  
故侵小對曰先王之命唯罪所在各致其辟且昔  
天子之地一圻列國一同自是以衰今大國多數  
圻矣若無侵小何以至焉晉人曰何故戎服對曰  
我先君武莊為平桓鄒士城濮之役文公布命曰  
各復舊職命我文公戎服輔王以授楚捷不敢廢  
王命故也士莊伯不能詰復於趙文子文子曰其  
辭順犯順不祥乃受之冬十月子展相鄭伯如晉  
拜陳之功仲尼曰晉為伯而鄭入陳非文辭不為  
功慎辭哉慎辭之信不如考情之信也故有子產  
之情祝佗之辭庶乎不以色親人者矣張載曰發  
於心失於聲迷謬於四體謂己當然自誣也欲他  
人已從誣人也君子無自誣之色無誣人之聲故  
其情可信而其辭可考也後之學者其馬仲呂大  
臨其人乎馬仲剛毅似曾子大臨篤摯似子夏充

類不為二賢蓋足以幾之也然則尹煇張繹謝良佐朱光庭游酢楊時皆足以幾之乎曰是非絕德也信情而考辭何不可幾之有

不違龜筮章三十三

子言之昔三代明王皆事天地之神明無非卜筮之用不敢以其私褻事上帝是以不犯日月不違卜筮卜筮不相襲也大事有時曰小事無時曰有筮外事用剛曰內事用柔曰不違龜筮子曰牲牷禮樂齊盛是以無害乎鬼神無怨乎百姓

夏道尊命命通於神是故有卜筮之命殷道尊神  
神交於禮是故有卜筮之禮周人皆用之一而不  
再再而不三故瀆辭瀆禮瀆神皆瀆也然則三代  
所不廢卜筮者何也聖人不以人治人而以天治  
人之  
道也

桓公

八年春正月己卯烝夏五月丁丑烝

十有四年秋八月壬申御廩災乙亥嘗

兩烝者何曰是卜日也何為其不卜月也曰桓公  
之願也曰吾將行夏時焉移烝而正月則必移禴  
而五月也烝者物衆之名禴者物薄之名也以夏  
祭而備衆物則其道不可繼道不可繼而猶行之  
則是使鬼神疑其名實百姓害其簿正也然則御  
廩災可以輒嘗乎曰奈何以災輟嘗也釜鬻之害

不使父母輟饋御廩災而使祖宗輟嘗誰可者然則春秋書之何也曰展道之盡也四日將嘗矣宋盛之所出在齊期之內君夫人之不親百執事之不戒而使有遺燭焉為鐘簏之憂宗祝其何以辭故春秋惡夫愒始者非惡夫虔終者也然則桓僖之宮災亦不缺夏祭世室之屋壞亦不廢秋嘗與曰固也修其祖廟臣子之事也薦其時食祖考之志也桓僖親盡則藏主於太廟世室之親不盡則歲嘗四饗莫之有易也然則廟祭卜日而有巳卯丁丑乙亥禮與曰周人之用丁辛癸也蓋有常日焉大事不卜小祀有筮以四時之常祭而屢遷其日寔至易月則霜露之感鬼神亦有所不交也然則大事不卜日而魯之郊祀屢卜日何也曰疑之也孔子曰我親周道幽厲傷之吾舍魯何適矣魯之郊禘非禮也周公其哀矣祀之郊也禹也宋之郊也契也是天子之事守也張載曰祀宋之郊

為其二王之後也魯用天子之禮樂為成王之意不敢臣周公故以二王之後待魯然非周公本意也成王可賜伯禽不可受先儒謂樂用宮懸舞用八佾在周公之廟則可在他廟則不可然自漢儒而上無有識魯之用郊者記曰成王以周公有大勲勞於天下命魯公世世祀周公以天子之禮樂是以魯君孟春乘大輅載弧韞旂十有二旒日月之章祀帝于郊配以后稷天子之禮也明堂位曰魯君孟春祀帝於郊配以后稷而郊又云郊祀后稷以祀於大廟故左傳云啓蟄而郊又云郊祀后稷以祈農事是則魯之有郊唯用祈穀避建子以就建寅之月若杜預趙伯循之說是也而公羊穀梁皆以郊為子月周公之義通周三正故以十二月卜正月以正月卜二月以二月卜三月取鬼神之取舍為祀事之先後是夫子所謂不敢以其私棄事上帝者也然則大事有時日小事無時日有筮何

謂也曰有時日者如郊祀下辛而卜上辛是也無  
時日者如烝嘗之用巳卯丁丑乙亥大閱治兵之  
用壬午甲午會盟之用辛酉辛卯是也然則葬比  
於祀祀比於盟皆用乘日祭比於蒐蒐比於戎皆  
用剛日而莊公末年二城四築昭定之間有五大  
蒐而皆不筮日何也曰春秋之城築蒐狩皆不書  
日謂是無當於禮也朝聘覲問不如京師則是緡  
節亦可以已矣然則雩為大祀春秋十有一雩而  
皆不書日何也曰雩禱雨也旱而禱雨則不知其  
為何日也禱雨則雩文之間屢有大旱而皆不雩  
何也曰人事之與天道各不相應也雖聖人無如  
之何也僖公十一年秋八月大雩十三年秋七月  
大雩二十一年夏大旱而不雩文公二年十年十  
三年皆甚旱而不雩公羊子曰言雩則旱見言旱  
則雩不見夫以旱掩雩則猶之不相應也故雩者  
無所致其日也然則雩非祀上帝與曰其常雩者

也常雩而不大之何也曰未動國衆云耳然則謂魯兩祀曰郊與雩者非與曰啓蟄而郊獨於魯龍見而雩通於天下然則魯唯一郊與曰一郊而一禘郊不卜日而卜月禘不卜月而卜日何言乎禘不卜月而卜日也閏公二年夏五月乙酉吉禘于莊公僖公八年秋七月禘于太廟七月大祭五月時祭也大祭不卜日時祭卜日故乙酉己卯乙亥丁丑四時皆可以祭也然則夫子之譏魯郊者何也夫子以列爵正吳楚之君則不得不以郊禘正宗國之祀以文獻傷杞宋之遺則不得不以禮樂歎周公之衰故夫子之歎此亦不得已也然則夫子之於卜郊無譏與曰卜郊禮也不得卜而猶且郊則非禮也然則卜而得郊魯遂終郊與曰周室之衰也道在東方楚僭其物秦僭其祀齊竊其文晉竊其實魯之所守則猶先人之遺也請隧問鼎齊捉殺烝周之藏史猶且辨之而謂是惠公所冒

請史角所追非則亦謬矣過矣祝佗者史之嫺者也其言曰成王分魯以士田陪敦祝宗卜史蒞物典策官司彛器此四者禮樂之所寄也無大禮樂不謂備物既有備物書之典策祝宗志之以告天地宗廟卜史載之以告鬼神日月用其官司影以彛器是以魯之祀事不廢天地不犯日月無害乎鬼神無怨乎百姓不得罪乎霸主諸侯而後儒必欲詆之多見其陋也然則漢儒無詆魯祀者乎曰有之亦春秋之義非時王之義也

僖公三十有一年夏四月四卜郊不從乃免牲猶三望

四卜郊何也卜三正不從而又卜之啓蟄也啓蟄之郊可以不卜矣而又卜之已慎者也祈穀不曰郊而亦曰郊謂有先帝后稷存焉



宣公三年春王正月郊牛之口傷改卜牛牛死乃不郊

猶三望

成公七年春王正月饔飩食郊牛角改卜牛饔飩又食

其角乃免牛夏五月不郊猶三望

十年夏四月五卜郊不從乃不郊

十七年九月辛丑用郊

郊自冬至止於啓蟄夏五月不郊至秋九月非義  
矣非義者志之其義者否其不從者志之其從者  
否義之志順祀之志違亦舉其  
可志者以探於天人之義也

公稟

七年夏四月三卜郊不從乃免牲

十一年夏四月四卜郊不從乃不郊

公定

十五年春王正月鷄鼠食郊牛牛死改卜牛夏五

月辛亥郊

公哀

元年鷄鼠食郊牛改卜牛夏四月辛巳郊

穀梁子曰此該變而道之也於變之中又有言焉  
鷄鼠食郊牛角改卜牛志不敬也郊牛日展斛角  
而知傷展道盡矣郊自正月至于三月郊之時也  
夏四月夏五月郊不時也夏之始可以承春以秋  
之末承春之始益不可矣九月用郊用者不宜用  
也郊三卜禮也四卜非禮也五卜強也卜免牲者

吉則免之不吉則否牛傷不言傷之者傷自牛作也故其辭緩全曰牲傷曰牛未牲曰牛其牛一也其所以為牛者異有變而不郊故卜免牛也已牛矣其尚卜免之何也禮與其亡也寧有嘗置之上帝矣故卜而後免之不敢專也卜之不吉則如之何不免安置之繫而待六月上甲始庀牲然後左右之以六月上甲始庀牲十月上甲始繫牲十一月十二月牲雖有變不道也以十二月下辛卜正月上辛如不從則以二月下辛卜三月上辛如不從則不郊矣故如此者三代明王所以貴卜筮也然則春秋之道初未毀郊也未毀郊而其辭若毀郊者若幸其不郊然其猶且郊者何也曰春秋之道本天者也郊祀之典本王者也王垂之當年天垂之百世以百世著天則曰是也猶有存焉天而著王故天王之與著王則曰是也猶有存焉天而著王故天王之與

春秋互相正也故漢儒之與魯郊與宋儒之詆魯郊皆未得其正也

易富章第三十四

子曰后稷之祀易富也其辭恭其欲儉其祿及子孫詩曰后稷兆祀庶無罪悔以迄於今

然則春秋不與魯郊而與魯社乎曰郊社一也冬至之郊以報本反始寅正之郊以祈農耕藉皆祀上帝而配以后稷周人禘嘗而郊稷祖文王而宗武王魯人郊祀后稷祖周公而宗魯公魯人不敢禘帝嘗不敢祖文王故以后稷為始祖以周公為祖所以別於天子而存諸侯之分也故魯之郊禘皆義也然則周天子以至日郊天其用上辛魯亦用之無所避乎曰武王柴望大告其日庚戌周公

作雉攻位亦在庚戌郊社之用上辛魯禮也然則  
戎事用剛祀事用柔雉邑始郊實用丁巳郊牛稷  
牛各一則先甲後甲先庚後庚周魯通用之也天  
子以至日事上帝立春祈穀不復卜日其餘皆卜  
魯人郊祀不敢用冬至祈穀不敢用元春卜用三  
正主於辛日所以別於周室而參三代之意也故  
魯之郊禘皆禮也郊禘兩祀皆祖后稷不及帝嚳  
祖周公不及文王故其詩曰皇皇后帝皇祖后稷  
周公皇祖亦其福女古之議禮者未有昧君臣之  
分亂明王之制而煩後世之誅求者也其牲角繭  
栗牲體金胥太羹不和其器犧尊疏布羅罈杓蒲  
越簋縣器用陶匏棗盛秬鬯故曰后稷之祀易富  
也周魯之祀后稷皆奏思文而歌生民之詩閔宮  
之詩魯人所躋僖公也躋僖公而左氏用以歲夏  
父何也或曰是魯煬公也  
季孫所禱而作宮者也

然則春王正月皆為周郊周郊則魯可不郊而宣  
公三年成公七年定公十五年皆有春王正月是  
周已郊而魯又卜郊何也曰已言之矣魯避日至  
不避上辛且卜正月則先於十二月正月之卜則  
卜二月也故襄公七年四月卜郊孟獻子以為已  
晚也曰吾乃今而後知有卜筮夫郊祀后稷以祈  
農事也是故啓蟄而郊郊而後耕今既耕而卜郊  
宜其不從也夫獻子之意亦以子丑寅月之可以  
通卜也非徒通卜亦可以祀故獻子又曰正月日  
至可以有事於上帝七月日可以祀故獻子又曰  
春秋未嘗不許魯之郊祀也惡其僭而復瀆瀆而  
復強之若不得祀不已者是亦后稷之所惡也然  
則魯唯祈穀大雩兩事與曰祈穀大雩天下之所  
共也郊昊天而配后稷祖后稷而宗周公天下之  
所不共也夫子之意欲使天下共反於質也朱子  
玉戚刻桷丹楹萬舞八佾在后稷不知以為何事

也文極而質起質極而文生詩曰思文后稷克配  
彼天無后稷之文以喪周公之質即闕宮不築生  
民不歌無益  
於殿最也

### 威敬章第三十五

子曰大人之器威敬天子無筮諸侯有守筮天子道以  
筮諸侯非其國不以筮卜宅寢室天子不卜處太廟

是何為其言之也曰為襄公之冠而言之也戲之  
盟公送晉侯晉侯以公宴於河上問公年季武子  
曰會于沙隨之歲寡君以生晉侯曰十二年矣是  
為一終一星終也國君十五而生子冠而生子禮  
也君可以冠矣大夫盍為冠具武子對曰君冠必  
以裸享之禮行之以金石之樂節之以先君之祧

處之今寡君在行未可具也請及兄弟之國而假  
備焉晉侯曰諾公還及衛冠於成公之廟假鐘磬  
焉禮也然則悼公十四而霸諸侯不行冠禮者與  
曰樂書中行偃則何足以知之也冠者必告於禰  
廟百官執事咸備乃謁於太廟世室入而視朝行  
賞於有位燕享其貴戚然後宗祝無媿辭百執事  
無怩顏然則古無天子諸侯之冠禮何也曰天子  
諸侯之為世子皆造端於士禮焉不及士禮乃先  
紒而後統因喪而即位免喪釋吉肆覲羣后則猶  
之冠也假廟而冠諸侯古未之聞也是歲將晏矣  
為季孫者亦曰以大國之寵靈惠我寡君及於烝  
祭有周公之旂常禽父之鐘簋焉不敢叢睦以為  
君憂唯滋植之敢拜君賜假廟而冠則禮未之聞  
也且是不筮日月不筮寢室而居衛成公之廟未  
當於戒敬也陽橋之後楚人救齊楚子審方幼悉  
師以至於蜀蔡景公為左許靈公為右二公弱皆



強冠之故蜀之盟不書蔡侯許男謂二公之強冠又乘楚車也夫晉欲蔡許我乎

成公二年冬十一月丙申公及楚人秦人宋人陳人衛

人鄭人齊人曹人邾人薛人鄆人盟于蜀

是盟也楚公子嬰齊為政春秋不書蔡侯許男距襄公之冠二十七年矣

僖公五年秋八月諸侯盟于首止鄭伯逃歸不盟

首止之盟定王世子也惠王不協名鄭伯告曰吾撫汝以從楚輔之以晉可以少安鄭伯喜于王命而懼其不朝于齊也故逃歸孔叔止之曰國君不可以輕輕則失親失親患必至病而乞盟所費多矣君必悔之弗聽又明年始乞盟於甯母又乞盟於洮故鄭文公可謂不威敬者矣夫謂非具國不

以筮者乎襄公七年鄆之會陳侯逃歸亦患楚也  
聽二慶而為匹夫之行故終春秋而鄭陳患楚亦  
威敬之  
道失也

公莊  
四年冬公及齊人狩於禚

遠則有彭生近則有紀侯而越國微狩何也穀梁  
子曰齊人者齊侯也卑公之敵所以卑公也忘讐  
而釋怨如嬉戲然夫獨無諸侯之  
守筮乎而越在草莽羣臣之過也

二十有三年夏公如齊觀社

是曹蒯所謂君舉必書者也古者居必  
有筮道必有筮若是無所用卜筮也

公昭  
二年冬公如晉至河乃復季孫宿如晉

是為少姜也亦可以不卜矣然且古人不廢卜筮  
聖人於此欲書曰而有不可也曰威敬之道已盡  
矣威敬之道盡而尊親之義絕尊  
親之義絕而王霸之餘烈皆盡矣

公僖

二十有四年冬天王出居於鄭

公昭

二十有三年秋天王居於狄泉

櫟則有鄭廟焉記則未有鄭廟焉狄既伐鄭而又  
居於鄭舍鄭則無所居也狄泉何居乎故威敬者  
天子之守寶也天子居有守龜行有道筮出有筮  
宮入有處廟而輕忽其志以興戎出好棄輜重以  
放其事守是公卿百執事之過非龜筮之過也然  
則龜筮之必不可廢者何也曰鬼神者天地之知  
氣也天地之知氣會於精爽心靈接之敬則聚不  
敬則不聚日月所始皆有魂魄焉龜筮者圖書象

數之總也借其名象以宿知氣教人之威敬以交  
於旦明謀於鬼神之義也張載曰天能為性人謀  
為能大人盡性不以天能為能而以人謀為能故  
曰天地設位聖人成能故卜筮者聖人所以盡人  
而謀於天也人謀不盡則天知不出天知不出則  
天能不成故卜筮者鬼神之良能也然則春秋尊  
神與曰春秋天也天者鬼神之總也其能位存焉  
耳成能成位而後日月霜露行乎其中是春秋所  
以造萬物之命也

用祭器章第三十六

子曰君子敬則用祭器是以不廢日月不違龜筮以敬  
事其君長是以上不瀆於民下不褻於上

祭器者何威敬之謂也威敬之器著於四體見於  
著龜三代明王無非卜筮之用所以借旦明以達  
於日月借日月以達於天地也然則齊桓公之不  
用卜筮何也宋襄公藏於神而不達於人齊桓公  
藏於人而不達於天桓公十有八會皆不卜日至  
葵丘而始卜日晉文公踐土卜日河陽不卜日踐  
土之卜日義也河陽之不卜日勢也葵丘卜日而  
首止不卜日則非所以敬天子達王世子之事也然  
則葵丘之用戊辰以為外事踐土之用癸丑以為  
內事何也曰踐土之於王城近葵丘之於王城遠  
也然則征伐亦皆卜日與曰告於廟類禡於社內  
祀外戎二者卜筮之所繇始也國危國遷立君則  
亦可以意制矣然且聖人不敢聖人之所不敢者  
何也不敢以己之聰明而有怨鬼神害百姓之意也  
然則春秋三詢之皆不卜何也曰春秋無三詢也  
征伐數百遷國以十乘亂而立者比比也故人事

亂於中則日月亂于上鬼神亂於下春秋之書立  
君者外國一衛即位而書日者定公一君而已皆  
變文而取質移權而就衡至於外國葬君違其時  
日皆屏斥不書以明于周禮之當貴日月鬼神之  
不可犯也魯秉周禮葬君夫人及紀叔姬無犯時  
日者桓文之喪則亦猶是也而周獨以襄王聞故  
秉禮之難也秉其小以及其大故細律不破而大  
閑不踰然則魯多拘忌不犯時日而不以此獲福  
者何也曰秉禮者臣子之義降福者上天之事也  
君子不以臣子之義邀上天之事然則諸侯非朝  
聘而旬盟會非禮也非禮則不可告於鬼神不可  
告於日月卜筮亦可以廢矣然且不廢何也曰伯  
叔甥舅非時而覲享未為違禮也鬼神日月亦間  
相值也伐木之親親天保之尊尊夫豈有二義乎  
故燕享會盟不弛卜筮然則蔑不卜而唐卜唐用  
剛日而艾用柔日艾用柔日而尾屋用剛日何也

曰蔑內也唐外也艾內也瓦屋外也然則浮來內乎曰邾莒皆內也內地等於祀外地等於戎然則入邾入許之皆稱日何也曰是亂命也冠攘之事得則搏之鷹獮之始祭也為之書日及其肆搏則亦已矣夫謂鷹獮而修卜筮者乎故春秋之書日有四義焉曰謹始也虔終也識大也審微也戎祀會盟享葵嘉惡皆有此四義焉夫亦得卜筮之意而已矣不得卜筮之意雖鑽七十二龜無益也

公隱

元年三月公及邾儀父盟于蔑

九月及宋人盟於宿

大事有時日則不卜小事無時日則卜是不可以卜乎曰未足卜也公自以為攝也葵惠公不為喪主而自儷於邾儀父邾儀父未命者也未命則稱人猶之宋人也而公退然不敢會於諸侯是公之

敬也不用祭器而有簋簠之心焉

公隱

六年夏五月辛酉公會齊侯盟于艾

八年秋九月辛卯公及莒人盟于浮來

是皆卜日也艾之盟公始見諸侯見諸侯則成乎公矣然則清之過不見宋公乎曰是與夷也尋師於鄭黨州吁而讐宋馮不許公之見與夷也然則公之盟齊莒何為者乎曰齊莒未與宋者也宋與宋而盟之賢夫已伐鄭而盟之也故齊莒之盟皆存其日以為得乎日也然則瓦屋之日何存乎程子曰大道隱而家天下然後有誥誓忠信薄而人心疑然後有盟詛盟詛煩而約劑亂然後有交啗子于是傾危成而民不立矣春秋革薄從忠于參盟謹日是一義也外國主之不與于卜筮之義也



猶夫庚寅入祊辛未取郕辛巳取防之義也曰謹始虔終而已矣然則隱公以采日盟諸侯以剛日盟戎狄何為其無所取之也曰取之而義不可守也至於桓公而衰矣桓公之盟會書日者六越穀丘之用柔曲池武父黃越之用剛於日月鬼神君長之義皆無所取也然以月日則猶皆書之亦曰致祭器之意而已矣

然則隱莊素春之義何也曰巳濶也而又遼緩之以其事則亦可以廢日月也亦可以廢卜筮也若會戎觀魚輸平此豈用祭器者乎然則宋衛相遇南季來聘滕侯薛侯來朝皆用祭器也而廢其日月何也曰是必有不<sub>レ</sub>用祭器者焉而託之祭器也詩云不日不月曷其有括蓋言濶也濶而後略之春秋之於事無有逸辭焉耳

公隱二年春公會戎于潛

五年春公觀魚于棠

六年春鄭人來輸平

清之遇鄭謂公與宋也公不與宋而翬與宋則亦與宋者也於是輸平蓋猶有疑焉夫為孤壤而疑之乎則且有入枋之約中丘之會矣夫何以廢其月日也

公隱八年春宋公衛侯遇于垂

九年春天王使南季來聘

十有一年春滕侯薛侯來朝

幾遇矣而後遇之幾聘矣而後聘之幾朝矣而後朝之詩曰期逝不至而多為恤然則紀季姜之歸於京師亦不月日者何也曰是則貴於遲久也若單伯之逆王姬築王姬之館於外也舉時而行之是禮之大者也非春不月日之謂也

然則桓公四年之無秋冬何也是蓋有隱義焉使後世見之則以為史闕也秦師侵芮王師圍魏聖人則以為無當於春秋也而齊魯之不相通問者一十五年夫豈有歸懷之詠見於藝麻者乎而使春秋廢其二時故利貞者天地之性情也天地之性情失則春秋之律令缺春秋之律令缺則禮樂損益無所從始矣是君子所興歎也

公桓  
三年秋七月壬辰朔日有食之既

公子翬如齊逆女

是之謂祀日月者與曰是非所祀日月也日月之行值其常度過則過矣過之小者也君夫人之行失其常度過則不過過之大者也凡晦蝕震電君子為廢卜筮卜筮不可而況娶君夫人曰食既則明生卜於其月不於其日夫謂其月也謹辟焉耳

九月夫人姜氏至自齊

娶夫人而不卜日卜日而春秋不書明其無可告於日月鬼神則亦無可告於社稷宗廟也然則哀姜之入八月丁丑則猶卜日春秋書之何也曰哀姜之書丁丑為戊寅之觀宗婦也丁丑卜日戊寅不卜日卜日者正親迎之始不卜日者正用幣之亂也然則文公四年夏逆婦于齊不書日亦不書

至何也曰大婚之禮於是始哀矣無崇始者亦無  
隆終是襄仲之虐春秋卜之蚤也然則哀姜之崇  
始亦無隆終何也曰是兩哀姜也或嬴馬或絀馬  
不得其中道則是鬼神日月之所歸咎也然則謂  
魯秉禮者何也曰戎與祀也魯之秉禮於  
是二者無有犯日月者亦列國之所貴也

公桓  
六年秋八月壬午大閱

是卜日也戎事之用剛日鷄火之分馬祖所食於  
是取焉車攻吉日則猶是義也古者有國四時講  
事秋之言獨猶言止也川蘭建表握轂而止之魯  
以八百乘處於齊晉之間侵軼時有執不敢玩且  
是涉秋矣未黍將熟告廟而簡車徒未為大失也  
然則先歲之秋主傷於鄭是月之內蔡殺陳佗進  
無勤王之義桓公之志也王室不競諸侯始以駸  
聽何也曰是桓公之志也

紀穀鄧惠然來朝公蓋有霸心焉諸侯之敗績自公之戰於宋始也公以一戰勝宋與齊齊懷不測生其忮心而公顏然與彭生同車故齊襄之言復讐為宋之戰也不然齊傷之時一十五載翩然角弓何為而有猗嗟之詩乎故安忍而好兵輕敵而八人之國兩者桓公所以敗也而卒以文姜蒙其大誥故公子彭生者鍾巫之藉手也

莊公八年春王正月師次于郎以俟陳人蔡人

甲午治兵

是亦卜日也次于郎則不卜日而治兵卜日何也次于郎晦者也治兵曜者也晦以冀助耀以侵郕郕既降齊而已無與焉故信失於與國而仁失於同姓是齊與陳蔡之所鄙笑也然則莊公學桓公

而有所不逮也桓公喜兵戰於宋而敗績歸齊莊  
公喜兵戰於乾時而敗績歸魯春秋之書敗績則  
自二公始也故道之無勝心亦無敗績者莫禮  
義若也日月鬼神亦安能以羽籥而化干戚乎  
然則大閱治兵猶皆卜日而作三軍舍中軍皆不  
卜日何也曰用祭器之義至於三桓而衰矣竊兵  
柄者猶之穿窬也其道不足以事君長和上下苟  
然而為之苟然而已之則亦存其大畧而足矣然  
則大閱治兵亦不足以事君長和上下而日之何  
也曰桓莊無霸也而又無王桓公之會諸侯敗齊  
師莊公之敗宋師納衛朔皆有雄長之心馬後禮  
義而先甲兵五霸之始魯其先鳴者也春秋以大  
閱治兵防五霸之始以作三軍舍中軍黜五霸之  
終故以天治魯以王治天下正魯之三桓以治晉  
之六卿要以事君長和上下使  
震甄之傍不失祭器其義一也

襄公十有一年春王正月作三軍

昭公五年春王正月舍中軍

是皆卜月也而不卜日不卜日者是非一日也卜月者則在是月矣是豈有龜筮乎強者為之而鬼神無所與其謀則雖聖人不能為謀也

文公二年八月丁卯大事于大廟躋僖公

定公八年冬從祀先公

逆祀則紀日從祀不紀日何也陽虎欲去三桓而順祀於先公卜月辛卯禘於僖公之廟明日壬辰將殺季氏於蒲圃則是以前祀也散事不卜不卜則不紀日月謂是鬼神日月之所不與也不與之



則謂之從祀何也曰雖不卜日其義已正矣正其義不大其事存其事不侈其功曰是宗廟之常典雖不紀日可也不紀日而并不紀月何也曰是祭也問而知其為十月矣然則錫命歸脤用祭器之大者也而皆不舉月日何也曰其來者遠矣紀受者則不尊紀賜者則不親為之紀時焉從天之道春秋之義也

然則考仲子之宮立煬宮丹桓宮榑刻桓宮楠皆不卜日與曰有其卜之而皆不當則猶之不卜也考仲子之宮而曰不當何也曰以嫡則有孟子以繼則有聲子且其母在而為父立繼無以為母也故卜者人鬼之所合謀也人鬼不合謀天地不成能則猶之不卜也華已立武宮卜者也然則立君即位祭器之大者也書元年而不書元日何也曰是不卜者也然則不卜者之皆元日與

曰有之若秋七月禘于太廟是也禘非元日則卜之若夏五月乙酉吉禘于莊公是也故春秋之法有日有日不日有日不如不日之質也有日不如不日之決也於以謹始虔終識大審微則日月筮龜參證具端矣

公隱四年冬十有二月衛人立晉

是立君也春秋特書而不著日何也曰外國之立君猶它君之反國也舉一焉以為殺立而殺不立之例也殺立而殺不立則蔡人殺陳佗不書立躍何也曰鄭人立之不與蔡之立出也然則是與衛人與罪衛人與曰衛人殺一君立一君春秋何與焉衛人以王命殺州吁必以王命立晉春秋何罪焉夫猶是衛人也以國廢置則亦以國治之義分於殺不殺則名正於立不立然則陳桓公之卒有

兩日衛宣公之終再見丙戌何也曰是皆有子禍  
馬不日則疑於凶終者也日則有疑日焉故疑而  
質存之是春秋之慎也春秋之慎終甚於  
慎始慎始則百姓不害慎終則鬼神無怨

定元年夏六月

癸亥公之喪至自  
乾侯戊辰公即位

是立君也春秋特書而著日為癸亥而著戊辰為  
昭公而著定公也五月之間蓋有不勝書者馬舉  
其可書者變正月為夏六月變元日為戊辰十  
二公之中此其大變也大變卜日小變不卜日

宣八年冬十月己丑葬我小君敬嬴雨不克葬庚寅

日中而克葬

定十有五年九月滕子來會葬丁巳葬我君定公雨

不克葬戊午日下昃乃克葬

此所謂小變不卜日也。旬十公二十葬，未有用剛日者。而敬嬴定公用之，或曰敬嬴定公蓋有隱慝焉。春秋之義，則謂其不備也。備者，謹始虔終，識大審微，四者皆備也。然則四備表日，亦有表日而不四備，四備而不表日者，與曰有之。天治者，表日人治者，不表日。天人爭勝者，表日。天人不爭勝者，不表日。天治之表日，若三十六食五震九災之類。天方治之，雖聖人不得而治也。人治之，不表日。人自治之，若一十九城八築之類。聖人所不治，天亦不得而治也。天人爭勝者，若鄭公孫舍之入陳，雖細而猶表日。天人爭勝者，若宋公執曹伯陽，雖大而猶不表日。故以四者定月日之義，雖不卜筮，可也。

僖公二十年春新作南門

五月乙巳西宮災

定公二年夏五月壬辰雉門及兩觀災

冬十月新作雉門及兩觀

此兩者天人之所分治也人治者舉時至於月而可矣天治者舉晷至於日而可矣君子不以積時之人犯舉日之天不以積月之時犯舉晷之日故儉而易富恭而寡怨敬而無悔也自非然者鬼神與聖人分治之雖卜筮亦無如之何也

然則聖人尊神與尊禮與尊命與曰尊命也命出於天以為神而神之以為禮而禮之春秋十四敗

續皆表日唯王師敗績于貿戎則不表日二十三  
戰皆著成敗唯我師戰于井陘則不著成敗八以  
君歸皆表日而荆執蔡侯之始宋執伯陽之終皆  
不表日故春秋之尊王尊君尊中夏而親同姓此  
四者春秋之所為命也春秋尊其所尊而親其所  
親日月卜筮兩者尊親之間也日月體尊而用親  
卜筮體親而用尊聖人兼用之神者以神禮者以  
禮命者以命所以洗心成能酬酢變化彌綸天地  
之道也然則史墨梓慎裨竈之談陰陽臧辰南蒯  
陽虎之談卜筮亦可以進於春秋與曰春秋尊命  
命者神禮之合也神率兒而從天禮率義而從人  
人天不合性命不行而曰進於春秋則鮮矣卽雍  
曰天地之本具起於中乎是以乾坤交變而不離  
乎中人居天地之中心居人之中日中則盛月中  
則盈故君子貴中言夫消息進退之始也又曰天  
變時而地應物時者陰變而陽應物者陽變而陰

應故時可逆知物必順成是以陽迎而陰隨陰逆而陽順語其體則天分而為地地分而為萬物而道不可分究其終則萬物歸地地歸天天道是

以君子貴道也

知則萬物歸地地歸天天道是

況於春秋乎春秋者天地

月鬼神禮樂所為綱紀也

日

言日月卜筮皆蔽矣又

表記集傳卷二



欽定四庫全書

春秋表記問業附錄

明黃道周撰

灾異不書月食

商應椿問春秋書公夫人王及王后明陰陽合德內外分治也夫人出入變故皆書而月食獨不書何也詩曰彼月而微則維其常月見體而掩日陰蔽也故以為怪曰見輝而衝月陽射也故不以為怪然則石闕鵲飛已微矣而亦書之何也曰是猶大於有麋蜮蜚也蜮蜚鵲鶴而猶書之又況其大於此者乎然則聖人語怪乎曰已書之何怪之有

# 里克荀息

又問晉里克弑其君卓子及其大夫荀息里克從申生者也申生死於讒里克欲立重耳正也荀息從奚齊者也奚齊死於難荀息又立卓子非正也正者被以賊不正者表其官雖里克有加功之惡荀息有不食言之美而後世之去傳視經者皆賊里克而君齊卓且已賊之又書其官則里克之與荀息皆死其官者也死官不如死道里克之與荀息皆近於官而遠於道歟曰固也二子者皆未知道也然高哀之逮託宗國子鱄之去於木門二子可以分行歟曰哀鱄無官里荀有守是馬可同也然則何以為道曰道之為言也豫而正潛而達留侯豫而正曲逆潛而達

胡逢甲曰曲逆足為知道歟絳侯曲逆亦猶之中立也幸則為狄梁不幸則為里克狄梁陳周之視里克

但無加功之惡耳以蹈道則未也然則周昌  
褚遂良得為守官乎曰周昌亦庶乎知道也

### 晉侯執曹伯歸于京師

商應椿曰諸侯而執人則人之見執而有罪則名之  
晉文公之執衛侯亦稱曰人陳佗之篡太子直書曰  
蔡人殺陳佗今晉厲公之義不及文公而曹負芻弑  
太子同於陳佗乃變文稱人去名稱爵者何也曰既  
在會而執之不得不稱晉侯既同盟而執之又歸之  
不得不稱曹伯如晉文公親入曹執曹伯不稱晉侯  
則曲無所歸曹伯襄貨筮史復歸于曹不稱曹伯襄  
則罪無所麗斟酌曹衛之間以定爵名之義則仲絀  
伯見矣商應椿曰觀狀之比弑奪其罪縣殊貨筮史  
亦何罪之有曹伯襄既稱名而負芻直稱伯則是弑  
奪之罪輕於觀狀逸賊之義輕於賄免也且云已列  
於會義不再討則是諸侯為政而罪賄相尋也公羊

子曰執而歸者名曹伯何以不名又不言復歸于曹  
為公子喜時也公子喜時內平其國外治諸京師還  
是無難矣穀梁子曰出入不名以為不失其國也夫  
使弑君之賊可以賢公子而免出入不名則公子遂  
季孫行父不見惡於春秋矣不知晉文公之於曹衛  
晉厲公之於負芻同討異天其義何居曰於是見霸  
主之有盛衰與京師之有隆替也霸主盛則奉權以  
與京師諸侯復歸其國致敵而稱名霸主衰則分權  
以與卿士諸侯歸自京師無所別其罪否也曰以勤  
始以懈終以討罪始以逸罰終與世共為升降焉耳  
公子喜時  
何與之有

商應椿曰石碯之討州吁外請于王內使石宰涖馬  
負芻弑太子而喜時為主於內又為治於外使宴然  
歸國拘拘守節不能復申大義於天下終春秋之世  
母弟見於春秋者多有而喜時不錄意謂是乎曰春

秋所錄無甚盛者孔門不道管晏即孝友叔臍以內  
大夫例書非為達節也石碣之權施於父子臧之  
誼等於君臣左氏以曹伯之惡不及其民當時之事  
存乎微顯權怨之耳記曰恭近禮儉近仁信近情近  
禮者寡過近情者可信近  
仁者易容其子臧之謂也

胡逢甲曰記云君子以義度人則難為人以人望人  
則賢者可知一部春秋皆以義度人於管仲乃曰  
人也如執春秋之義以管仲子產望人則世盡彼哉  
人無足冀聖人何以自存於天下譬如韓公不以膽  
許人捲簾一事鄭公怨之終身靖安欲以中丞許贊  
皇杜惊一言贊望亦以為德凡人之情可望而知惟  
有一種小人若李訓鄭注章惇蔡確之流切不可  
人情望之若過此等人不深惡痛絕則危及國家深  
惡痛絕之則彼必以才自進先殺其所忌而後及於  
宗社則是如何曰春秋不非其大夫如羽父慶父公

子遂聖人只平平待之宣布事實先  
後俱見善下手者何必以刀筆為能

### 魯桓稱霸

戴造曰前記稱五霸不始於齊桓但齊桓為盛耳宋  
敗秦遼楚夷宜無足稱自晉厲晉悼而上惟魯桓公  
謹法以辟土服遠為桓桓公二十會諸侯再敗宋鄭  
之師八國來朝天子三聘其為始霸無疑也不知在  
宋齊之會魯得以宋國為具班首歟抑猶在宋齊之  
後歟曰既為霸則主齊盟不主齊盟何霸之有自紀  
鄭會戰齊宋敗績于郎絕歎十年不親袤曹之後魯  
實長宋齊猶未霸也何為齊役之有然則北戎之亂  
魯為之班何也曰魯秉禮者也魯為班爵而鄭實處  
後鄭以是怨而魯未有失也桓主齊盟又何疑乎

### 荀息公子地樂大心

陳有度曰記云君有責於其臣臣有死於其言故其  
受祿不誣受罪益寡又云事君難進而易退則位有  
序易進而難退則亂若荀息之不食言公子地公子  
辰之去國春秋亦許之乎曰春秋何許之有君子事  
君大言入則望大利不尚辭非其人不尚荀息之傳  
夷齊非其人矣有賈無貳何利之有古者貴戚之臣  
不輕去其國公子地卑向魋一日而去國公子辰又  
出其國人以脇其君春秋何取焉然則樂大心不猶  
賢於華向魋曰事君慎始敬終可生可殺而不可使  
為亂公子辰既叛於蕭樂大心自曹入而從之則是  
同亂矣故樂大心則猶之仲佗石彊也然則趙鞅入  
晉實叛也而書曰歸于晉公子辰自蕭來奔實未嘗  
叛也而書曰入于蕭以叛春秋之權衡固若此歟曰  
趙鞅入晉陽則曰叛討荀士而歸則不曰叛公子地  
執三帥以去其君雖不稱兵有誅和向之心焉蕭猶  
求竟也三連而不出竟雖曰不要吾不信也然則公

子辰居蕭三年不見復於君奔于宗國不猶禮之正者歟曰是則宋公之罪也禮三年不反収其田里而公子辰曰子為君禮不過出竟君必止子以是而亡其兄以是而沒四卿公子辰則何足以知禮乎然則公子辰不知禮不猶賢於孫林父歟曰孫林父逐君者也公子辰棄君者也地則君之地也戚之與蕭其爭幾何以地要君不知其它

### 衛侯衎鄭伯突衛侯朔

陳允元曰鄭伯突之奪嫡衛侯朔之搆兄此過之大者也故鄭伯之出奔蔡入于櫟皆書突衛侯之出奔齊入于衛皆書朔所以正名定罪告萬世以為口實也衛侯衎舍其大臣蔑其師保虐使定姜不為無罪矣而春秋皆不名之於其亡也曰衛侯出奔齊於其歸也曰衛侯入于夷儀既君矣乃書曰衛侯衎復歸



于衛均之有罪而筆罰異等何也曰突朔伯為罪者也仍與其臣分罪者也臣過重於君則寬其君過重於臣則寬其臣是時天下無霸諸侯出入不知有王衛侯衛之復歸不請於王其出入繫於臣下繫於臣下者因其故爵不請於王者誅於春秋觀其輕重先後而與奪之義備見矣

## 楚滅江黃

商應椿曰江黃遠齊而近楚貫之盟管仲欲辭江黃桓公不聽及後滅黃齊不能救乃悔其言攷左傳滅黃在僖公十二年夏其秋管仲平戎于王史記管仲卒於桓公四十一年當僖公十五年則滅黃之時管仲未死而殺梁乃謂已死固謬然管仲在時何以不諫且以管仲之才十倍於陽處父處父能伐楚以救江管仲不能伐楚以救黃何也曰小國禍難無常不能自立大國安得勤師且當陽穀之前桓公未荒狄

已城溫侵衛晉執虞公狄又伐晉齊晉不能討也何  
獨與楚為難乎溫在王城之內虞為太王之昭霸主  
方興不能盡即楚人滅弦弦子奔黃黃有取滅之道  
管仲安得遽為之謀乎如使聖人處此較山戎之役  
以討北狄問晉人之罪以及虞公召晉秦以救周討  
子帶而清伊維大器之才必有為之者矣齊晉相去  
不三千里高梁之役中道而  
還五公子之旤亦肇於此也

### 薄宋

戴造曰傷公親從齊桓匡合天下齊桓既沒天下無  
霸孟之會實釋宋公春秋謹其日月書十有二月癸  
丑公會諸侯盟于薄後六年楚又圍宋實解宋圍春  
秋又謹其日月書十有二月甲戌公會諸侯盟于宋  
雖不言解宋圍而宋圍實自此解癸未之歲冬十有  
一月己巳朔宋公及楚人戰于泓宋師敗績己丑之

歲夏四月己巳晉侯齊師宋師秦師及楚人戰于城  
濮楚師敗績四條書法相等明不以霸與宋楚而以  
霸與魯僖閔駒之頌又極稱僖功則齊桓之後當有  
魯僖明矣而公叔諸儒猶侈宋襄何也曰僖公無失  
德然猶因桓成事者桓功見侵於齊遂使公子遂如  
楚乞師二十六年冬公以楚師伐齊取穀公至自伐  
齊皆不書日月是春秋所深不許也然則桓公弑兄  
而以稱霸可乎曰霸非王者之道也魯桓之時前未  
有霸故以宗國而長夏盟魯僖之時桓  
文繼起故以霸主而紂宗國理宜然也

### 龍見絳郊

張鼎臣曰石鵠見於宋春秋書之昭公二十九年秋  
七月龍見絳郊而春秋不書空書秋七月何也曰石  
鵠在宋鵠鵠在魯皆宗國也龍見絳郊龍闕洧淵皆  
非宗國也在宗國而有事應不得不書不在宗國而

無事應則亦可已矣然則龍見不時又無事應龍愚  
於鸛鶴矣天子之沴見於列國周室之東晉鄭焉依  
何為其無事應也曰聖人之於天道敬其通而遠其  
遠者使列國之灾異皆書則春秋幾為誌怪矣乙酉  
之年王室初定三晉分爭尚後二十年若鄭  
則固無事也龍猶有欲前人固常談之矣

### 王猛王子朝

陳允元曰春秋尊王而親公公生沒不名外國則名  
之矣王猶天也記曰擇日月以見君惡民之不敬也  
而春秋生名王曰劉子單子以王猛居于皇又曰秋  
劉子單子以王猛入于王城及冬乃書王子猛卒稱  
王猛則疑於王稱王子猛乃知其未踰年也春秋固  
生名王歟曰以別于王子朝也是時王室始亂兩書  
子猛子朝則是愈亂也繫猛於王以明其當立卒仍  
稱子以明其未定王也然則左氏以王子猛卒為不

成喪公羊以為不與當孰得之歟曰胡氏得之胡氏之意以太子壽已卒猛丐朝皆未為嗣諸大臣爭立以正則有猛以寵則有朝劉單之於猛猶尹氏之於朝春秋不與臣立君而與天立君敬王雖未踰年得稱天王王猛雖已立不得稱天王然則敬王丐孰立之歟曰亦劉單立之也亦劉單立之而前不稱王後稱天何也曰前亂而後不亂也治亂之生皆天也猶談荀躒帥九州之戎四邑之師以納猛于王城春秋不稱荀籍而獨稱劉單劉單之立王猛再敗再克不得稱天王而獨歸之敬王丐是皆天也然則春秋以成敗論王歟曰王而成之天也成而王之人也天人相成詩曰昊天有成命二后受之然則君前臣名王稱猛而劉單稱爵何也曰劉單之爵受於王王之爵未受於天春秋以天治王以王治天下故自王而下春秋皆得以天治之也然則王猛之喪不以王禮歟曰禮猶是禮也謚悼稱王而亂猶未殄則猶之王子

也曰景王十五年太子壽卒王立猛為世子猛立已  
七月謚為悼王既以禮喪而又以非禮治之不目為  
亂歟且首止之會以王世子不名而猛以立王書名  
子般之卒以三月未成君書卒而王猛以七月成君  
書卒則天王諸侯大夫之禮皆亂矣曰春秋以三年  
治喪以立國成君其喪未踰年君不立國春秋皆變  
文以治之所以垂誠後世也於喪亂成王之所為成  
則亦為此也詩曰將予就之繼猶泮渙於乎小子未  
堪家多難然則春秋之意亦許中子歟曰兄弟互爭  
則許其不爭者巧以不爭直書天王猛朝之爭曲直  
相半是雖天道  
亦有人事焉

陳有度曰春秋言居言即位言立義各不同出居于  
鄭居于郕居于狄泉猶之一義而狄泉之居猶在初  
年始潰于蒍非有播遷羈旅之事也至如立者古今  
以為近正而衛人立晉尹氏立王子朝皆理所不應

下擅其上猶石立柳生世所經怪也古今只明自立之亂而不明立之為亂又如入于櫟入于夷儀入于曲沃入于戚則其文同亂矣王猛入于王城天王入于成周皆入也而有罪其以不罪其以者何也曰入而書以告亂之詞入而不書以厭亂之詞也衛人立晉不告之王尹氏立子朝不承之天造亂之詞也衛人居于狄泉閔亂之詞也故同之即位而桓宣書意諸公書事其文雖同而義亦殊起矣至如敬王之入成周則猶有幸治之心焉曰幸矣周室之未毀也以常棣急難而猶安且寧則周公之遺也

## 黃父城周

胡夢錡曰昭公二十五年黃父之會范獻子徵會于諸侯十國之大夫同為王事具戌合籛以扞王室而春秋不書其事如城杞宋災之例康侯以為臣子之常職然歟曰春秋列國亦何常職之有惡夫諸侯不

會而使諸大夫圖之也王城之難晉已使籍談荀躒賈辛司馬烏箕遺樂微石行跪七大夫濟師所少者諸侯不至如首止河陽之事耳故為散會以微之使見者不知以是為與於單劉者歟與於尹召者歟抑叔詣之目圖其君與羣大夫之自有事者歟至於秋泉之請羣工就役而後人知其為城周也故昭公三十二年十一國之城成周不書魏舒士景伯惡其從范鞅之誨以為成周不如其城之也然則魏子不書不謂其南面歟成周之城固天子自請之也范魏何咎之有曰天子之守守四夷諸侯之守守四隣春秋無有義城者成之與城均之無當故趙魏所圖又桓文之所不道也然則叔詣之目圖其君何也曰鵬鵠來巢既難將作叔詣不以時白李氏之惡約與國之信使邠扈適櫟汎然無成一旦奄然與曲棘同病是亦君子之所歎也



# 祖禰昭穆

商應格曰昭穆之義父子異義兄弟同則故文出為昭武出為穆天子七廟諸侯五廟親盡而祧繼世之有昭穆猶繼體之有祖禰父子君臣其義一也僖公父視閔公故新鬼為昭舊鬼為穆然有夏殷及列國兄弟相繼甚多春秋列國齊有孝昭懿惠四世相繼衛有懿戴文楚有康靈平吳有諸樊餘佗夷昧使以繼世為昭穆則子君臣不得方於祖禰矣故論昭穆於父子易論昭穆於兄弟難不知古人立廟祧墮之說何以處之曰論廟則當以一世為一廟論世亦當以一世為一世至於世滿廟定固有一廟而妥數世之主一世而藏數主之祔者見於民庶則曰君臣見於鬼神依然祖禰安得以繼統之義系繼序之實乎太廟之有夾室宗祀之有分祔亦皆并行而不悖崇世而無

惜也然則君臣為昭穆稱皇兄弟禮歟曰亦皆禮也  
不以昭穆之義素兄弟之實不以臣庶所稱亂鬼神  
之聽雖七廟進之至  
十一廟未為大失也

### 入郢入吳

張鼎臣曰凡言用師者必稱上游如楚為吳之上游  
吳為越之上游然楚不能破吳而見破於吳吳不能  
破越而見破於越事固在人而不在地也中行說言  
漢與匈奴飲食衣服不同不能相併伍子胥言越與  
吳飲食衣服相同越終為吳害然中國風土率皆相  
同未聞終日吞爭北敵自晉宋以來侵凌日起豈亦  
絲風土相似歟曰此何須道有道以馭諸侯雖吳  
越同風無故以御諸侯雖枯木朽株盡為難可也


### 不廢日月不違龜筮

胡逢甲曰日月龜筮衆人所道而聖人亦道之何也  
曰衆人有其器而無其威敬聖人用其威敬以濟其  
道故道貫器者也然則日月龜筮為一為二歟曰不  
疑之用日月疑之用卜筮卜筮與日月同道也然則  
卜筮之道得用日月日月不得用卜筮月離于卑乘  
木有功聖門共取之則猶與衆人同道也將亦用衆  
人之道歟曰衆人安知道必取其威敬與鬼神與謀  
則鬼神百姓同是祭器耳然則王相孤虛生尅福祿  
聖人亦猶是趨避歟曰聖人亦人也其於天道則非  
猶人也聖人有決擇而無趨避三德五紀庶徵五事  
以敬將之無適而非用也然則其用之如何曰日月  
之所離各於垣野中外之正應各於次序屈指可數  
也易曰易故易知簡故易從易知故可親  
易從故有功其日月卜筮咸敬之謂乎

## 春秋前後

朱坦曰春秋前有平王四十八年猶未入元也至僖  
公二十四年乙酉冬天王出居于鄭凡一百二十五  
年易象過交坎離之際而東周始變又一百二十年  
易象正交乾坤之端為昭公乙酉天王入于成周王  
子朝奔楚其先四十年壬午秋天王居于狄泉為春秋  
之前部餘下三十八年至秦王政乙卯元年為二百  
七十三年為春秋之後部更益二世元年漢兵起沛  
破秦監軍於胡陵方與之歲三十九年入於詩部故  
詩與春秋兩部兼行若自獲麟而後至漢乙未子嬰  
降漢夏五星聚於東井之歲亦二百七十三年為春  
秋之後部故詩與春秋上下相起周秦漢之間兩代  
一閏其較著者歟陳允元曰平王年未始未入元以  
較明歷不能盡合不如春秋用己未元或用桓王壬  
戌上下千歲準於指掌朱坦曰魯惠公弗望元年即  
周平王之三年以惠公元除之亦可簡定明歷何獨  
平王之元若不用平王年未元則周室前後無所稽

承并失詩春秋之意矣允元曰春秋十一元五千三百四十六年已在羲農之前又獻少徵詩五元一千五百五十五年則斷自堯典而下隱公而上若用辛未元則須五十二元一萬六千一百七十二年世遠莫稽所以不用不知仲尼之意如何先生曰天人互用仲尼未作春秋以前全是用天平王之有辛未桓王之有壬戌隱公之有己未純定於天聖人採擇以己未立元使詩春秋各有綱領其上下進退於三元之際裁酌於兩乙酉之間以得詩春秋之用是則人也天人相從決擇取舍是在諸賢耳



春秋表記問業附錄